

(NACRT)

ZAKON O ORUŽJU I MUNICIJI

U Bihaću, juna 2017.godine

Na osnovu člana 1. poglavlje IV i člana 11 b) odjeljak A poglavlje V Ustava Unsko – saskog kantona - prečišćeni tekst ("Službeni glasnik Unsko- saskog kantona“, broj:1/4 i 11/04) i člana 93. Poslovnika Skupštine Unsko-saskog kantona („Službeni glasnik Unsko-saskog kantona“ broj: 9/17), Skupština Unsko saskog kantona na ____ . sjednici održanoj dana _____, donijela je:

ZAKON O ORUŽJU I MUNICIJI UNSKO- SANSKOG KANTONA

DIO PRVI- OSNOVNE ODREDBE

Član 1.

(Predmet zakona)

Ovim zakonom se uređuju kategorije oružja, uslovi za nabavljanje, držanje, nošenje, sakupljanje, popravljanje, prepravljanje i trajno onesposobljavanje oružja, oduzimanje oružja i municije, promet i posredovanje u prodaji oružja i municije, način postupanja sa oružjem i municijom, osnivanje i vođenje civilnog strelišta, uzimanje mehaničkog traga oružja i evidencije o oružju i municiji na teritoriji Unsko- saskog kantona.

Član 2.

(Definicije)

Pojedini pojmovi upotrijebljeni u ovom zakonu imaju slijedeća značenja:

- a) „oružje" je naprava izrađena ili prilagođena da pod pritiskom vazduha, barutni i drugih gasova ili drugog potisnog sredstva može izbaciti zrno, kuglu, sačmu ili neki drugi projektil, odnosno raspršiti gas ili tečnost te druge naprave koje su namijenjene za samoodbranu, lov ili sport i bitni dijelovi oružja;
- b) „bitni dijelovi oružja" su: cijevi sa ležištem metka, ulošci-adaptori za vatreno oružje sa olučenim i neolučenim cijevima, zatvarači, navlake, bubanj kod revolvera i rukohvati sa mehanizmom za okidanje, koji su označeni tvorničkim ili serijskim brojem;
- c) „municija za vatreno oružje" je cjeloviti metak koji sjedinjuje čahuru, kapislu, barutno punjenje i zrno ili sačmu;
- d) „vatreno oružje" su sve vrste pušaka, pištolja i revolvera, kao i sve vrste naprava koje pod pritiskom barutnih gasova izbacuju kroz cijev zrno, kuglu, sačmu ili druge projekte;
- e) „vazdušno oružje" su sve vrste pušaka, pištolja, revolvera i druge naprave koje pod pritiskom vazduha izbacuju kroz cijev zrno, dijabolu, kuglicu ili druge projekte;
- f) „gasno/plinsko oružje" su puške, pištolji i revolveri i druge naprave koje pod pritiskom barutnih gasova ili sabijenog gasa/plina raspršuju nadražljive tvari;
- g) „oružje za signalizaciju" su pištolji, revolveri, puške i druge naprave koje pod pritiskom energije barutnog punjenja ispaljuju naboj namijenjen isključivo za izazivanje glasnog pucnja ili ispaljivanju svijetleće signalne zvjezdice;
- h) „hladno oružje" su bodeži, kame, mačevi, sablje, bajoneti i skakavci čije se sječivo nalazi pod pritiskom sabijene opruge, a iz drške iskače pritiskom na dugme ili polugu ili metalne zvjezdice za bacanje, bez obzira na dužinu oštrice, bokseri, buzdovani, te drugo oružje sa skrivenom oštricom kao i drugi predmeti pogodni za nanošenje povreda, kada se nose na

- javnim mjestima;
- i) „oružje s tetivom" su lukovi, samostreli i druge naprave koje snagom napete tetive ili druge elastične materije potiskuju strijelu ili drugi projektil;
 - j) „lovačko oružje" je vatreno oružje kategorije B sa kojim se smije loviti divljač u skladu sa propisima o lovstvu;
 - k) „kombinovano oružje" je oružje sa dvije ili više olučenih (užlijebljenih) i neolučenih (glatkih) cijevi različitog kalibra;
 - l) „sportsko oružje" je vatreno oružje kategorije B, vazdušno oružje i oružje sa tetivom koje se koristi za sportske discipline u skladu sa posebnim propisima;
 - m) „trofejno oružje" je vatreno, vazdušno i hladno oružje koje se čuva kao uspomena ranijeg perioda istorije Bosne i Hercegovine ili za njegovog vlasnika predstavlja ličnu ili porodičnu uspomenu, a koje je od strane ovlaštene organizacije ili ovlaštenog pojedinca trajno onesposobljeno za upotrebu;
 - n) „staro oružje" je hladno i vatreno oružje koje ima istorijsku vrijednost, oružje koje čini sastavni dio narodne nošnje, kao i vojno i policijsko oružje koje je dotrajalo i neupotrebljivo, oružje koje je sastavni dio vojnih i policijskih paradnih odora, oružje koje se puni s usta cijevi crnim barutom a pali s kremenom, fitiljem ili kapislom i koje je od strane ovlaštene organizacije ili ovlaštenog pojedinca trajno onesposobljeno za upotrebu;
 - o) „automatsko oružje" je oružje kod kojeg je jednokratnim pritiskom na obarač moguće ispaliti više metaka;
 - p) „poluautomatsko oružje" je oružje koje je nakon ispaljivanja svakog metka ponovno spremno za ispaljivanje i kod kojeg je iz cijevi jednokratnim pritiskom obarača moguće ispaljivati jedan metak;
 - r) „oružje s repetirajućim mehanizmom" je oružje kod kojeg je nakon ispaljivanja svakog metka potrebno ručno pomoću mehanizma ubaciti metak u cijev;
 - s) „oružje za jedinačnu paljbu" je oružje bez spremnika-magacina koje se svaki put prije ispaljivanja metka puni ručno ubacivanjem metka u ležište cijevi ili ležište punjenja koje se nalazi na kraju cijevi;
 - t) „vatreno oružje kratke cijevi" je oružje čija cijev nije duža od 30 cm, a ukupna dužina ne prelazi 60 cm , osim ako posebnim zakonom nije drugačije propisano;
 - u) „vatreno oružje duge cijevi" označava oružje čija dužina cijevi prelazi 30 cm, odnosno oružje čija ukupna dužina sa cijevi prelazi 60 cm;
 - v) „oružje za ličnu bezbjednost" čine pištolji i revolveri iz člana 2. stav (1) tačka (d) ovog zakona, kalibra 4,8 mm i veći;
 - z) „električni paralizatori" su ručne naprave koje pomoću visokog električnog napona privremeno onesposobljavaju osobu;
 - aa) „sprej za omamljivanje" je naprava kojom se usmjereno izbacuju u vidu mlaza ili pjene neškodljive nadražljive tvari za onesposobljavanje pojedinca i koje na ljudsko zdravlje imaju kratkotrajan učinak;
 - bb) „optički nišan" je naprava kojom se oružju povećava preciznost;
 - cc) „minsko- eksplozivna sredstva" su sve vrste bombi, mina, granata i drugih naprava opremljenih s eksplozivnom materijom ili detonatorom, (težina, udar, potez, trenje, hemijska reakcija, električna energija i sl.) kod kojih dolazi do oslobađanja energije i njihovog rasprskavanja;
 - dd) „lažna municija" je municija bez oštrog ili ubojitog naboja kojom se postiže efekat pucnja;
 - ee) „municija sa prodirućim zrnima" je municija namijenjena za vojnu upotrebu kod koje se zrno nalazi u čahuri i ima prodiruće tvrdo jezgro;
 - ff) „municija sa eksplozivnim zrnima" je municija za vojnu upotrebu kod koje zrno sadrži punjenje koje eksplodira pri udaru;
 - gg) „municija sa zapaljivim zrnima" je municija za vojnu upotrebu kod koje zrno sadrži hemijsku smjesu koja se zapali pri kontaktu s vazduhom ili na udar;

- hh) „mužari-prangije" su ručne ili samostojeće naprave namijenjene za izazivanje glasnog pucnja, koje su konstruisane tako da ne mogu primiti cjeloviti naboj, pune se s usta cijevi određenom količinom crnog baruta i pale štapinom, kremenom i kapislom, a zatvaraju sredstvom male specifične težine;
- ii) „reprodukcije oružja" su kopije dugog i kratkog vatrenog oružja, koje se pune s usta cijevi crnim barutom i pale fitiljem, kremenom ili kapislom;
- jj) „posebna oprema za vatreno oružje" je svaki mehanizam namijenjen kao dodatak za osnovni model oružja, čijom primjenom se mijenjaju mogućnosti kod upotrebe oružja, osim optičkog nišana.
- kk) „imitacija oružja" su predmeti koji su vanjskim izgledom slični ili jednaki oružju, ali ih nije moguće upotrijebiti niti prepraviti u vatreno oružje;
- ll) „dekorativno oružje" je oružje koje je izrađeno u dekorativne svrhe i nije ga moguće upotrijebiti ili prepraviti u vatreno oružje;
- mm) „civilno streljište" je objekat namijenjen sportsko- rekreativnom gađanju i praktičnoj obuci za upotrebu i rukovanje vatrenim oružjem, koji ispunjava tehničke i sigurnosne uslove za upotrebu registrovanog ili prijavljenog oružja;
- nn) „onesposobljavanje vatrenog oružja" je onesposobljavanje svih bitnih dijelova oružja na način da njihovim uklanjanjem, zamjenom ili izmjenom ne može biti omogućeno njegovo osposobljavanje;
- oo) „popravljanje oružja" je otklanjanje kvarova na oružju i zamjena ili ugradnja originalnih dijelova;
- pp) „prepravljanje oružja" je prilagođavanje oružja drugoj municiji, zamjena ili ugradnja bitnih dijelova oružja i drugi zahvati na oružju kojima se utiče na njegovo funkcionisanje ili na tehnička svojstva;
- rr) „prenošenje oružja" je premiještanje oružja, za koje je izdat oružni list, sa jednog mjesta na drugo;
- ss) „promet oružja i municije" je nabavljanje oružja i municije radi prodaje, smještaj i čuvanje oružja i municije u svrhu prodaje, prodaja oružja i municije na malo i veliko;
- tt) posrednik u prometu oružjem- broker, u smislu ovog zakona, je pravno ili fizičko lice registrovano za obavljanje djelatnosti, koje se na osnovu odobrenja nadležnog organa bavi pregovaranjem, ugovaranjem i posredovanjem u ugovaranju poslova u vezi sa kupovinom ili prodajom oružja i municije, a koji se ne bavi prometom oružja i municije;
- uu) „registracija oružja" je unos podataka o oružju i vlasniku, odnosno korisniku oružja u službene evidencije propisane ovim zakonom, kao i propisima donijetim na osnovu ovog zakona, uz izdavanje odgovarajuće isprave;
- vv) „registrovano oružje" je oružje za koje je izdata odgovarajuća isprava o oružju;
- zz) „vlasnik oružja" je fizičko ili pravno lice kome je izdata odgovarajuća isprava o oružju;
- aaa) „ovlašteni trgovac oružjem" je pravno lice ili fizičko lice registrirano za obavljanje djelatnosti koji posjeduje odobrenje nadležnog organa za bavljenje prometom oružja i municije;
- bbb) „držanje oružja" podrazumijeva posjedovanje oružja na osnovu oružnog lista ili odobrenja za držanje oružja;
- ccc) „nošenje oružja" podrazumijeva da lice nosi pištolj, odnosno revolver na osnovu izdate dozvole za nošenje oružja;
- ddd) „oružni list" je isprava o oružju na osnovu koje se drži, odnosno drži i nosi oružje u skladu sa ovim zakonom i sadrži podatke o oružju, bitnim dijelovima oružja i vlasniku oružja;
- eee) „dozvola za nošenje oružja" je isprava na osnovu koje lice ima pravo da nosi pištolj, odnosno revolver registrovan kao oružje za ličnu bezbjednost iz kategorije B;
- fff) „odobrenje za sakupljanje i držanje starog oružja" je isprava o oružju koja omogućava

- fizičkom i pravnom licu sakupljanje i držanje starog oružja bez prava nošenja;
- ggg) „odobrenje za držanje trofejnog oružja“ je isprava o oružju koja omogućava fizičkom i pravnom licu sakupljanje i držanje trofejnog oružja bez prava nošenja;
- hhh) „potvrda o prijavi oružja“ je isprava koju izdaje nadležni organ prilikom prijave oružja kategorije C;
- iii) „odobrenje za nabavku oružja“ izdaje nadležni organ fizičkim i pravnim licima ukoliko ispunjavaju uvjete iz člana 9., odnosno člana 16. ovog zakona;
- jjj) „odobrenje za držanje oružja“ je isprava o oružju koja se izdaje pravnom i fizičkom licu koje je registrovano za obavljanje djelatnosti u svrhu držanja oružja;
- kkk) „potvrda za nošenje oružja i municije“ je isprava koju pravno ili fizičko lice registrirano za obavljanje djelatnosti izdaje fizičkom licu u svrhu posluge oružjem i municijom;

Član 3.

(Primjena)

- (1) Fizička i pravna lica mogu nabavljati, držati i nositi oružje i municiju samo po odredbama ovog zakona.
- (2) Odredbe ovog zakona u pogledu nabavljanja i držanja i nošenja oružja i municije primjenjuju se i na strane državljane sa stalnim boravkom ili privremenim boravkom dužim od 1 godine.
- (3) Odredbe ovog zakona u pogledu nošenja oružja i municije primjenjuju se i na strane državljane koji prenose oružje i municiju preko državne granice Bosne i Hercegovine u skladu sa odredbama Zakona o graničnoj kontroli („Službeni glasnik Bosne i Hercegovine“, broj:53/09, 54/10 i 47/14).
- (4) Odredbe ovog zakona ne odnose se na pripadnike agencija, organa i institucija u Bosni i Hercegovini, koji nabavljaju i nose oružje i municiju u skladu sa svojim propisima.
- (5) Lica sa područja drugog entiteta, kantona ili Brčko distrikta Bosne i Hercegovine imaju pravo nošenja oružja na području Unsko- saskog kantona uz odgovarajuću dozvolu za nošenje nadležnog organa.

Član 4.

(Izuzeci od primjene Zakona)

U smislu ovog zakona ne smatra se oružjem :

- a) dekorativno oružje;
- b) imitacije oružja;
- c) oružje koje je trajno onesposobljeno za upotrebu tehničkim postupcima koji su određeni posebnim propisima;
- d) oružje koje je namijenjeno za alarmiranje, signalizaciju, spašavanje života i usmrćivanje životinja;
- e) oružje koje se koristi u industrijske ili tehničke svrhe pod uslovom da može biti korišteno samo za to navedene svrhe;
- f) municija za vazdušno oružje;
- g) municija za oružje s tetivom i lažna municija.

Član 5.

(Primjena Zakona o upravnom postupku Federacije Bosne i Hercegovine)

Na sva pitanja postupka koja nisu uređena ovim zakonom primjenjuju se odredbe Zakona o upravnom postupku Federacije Bosne i Hercegovine.

DIO DRUGI- ORUŽJE I MUNICIJA

POGLAVLJE I - KATEGORIZACIJA ORUŽJA

Član 6.

(Kategorizacija oružja)

Oružje se, prema ovom zakonu razvrstava u četiri kategorije:

a) kategorija A, koju čine:

- 1) vojni projektili s eksplozivnim punjenjem, lanseri i bacači;
- 2) automatsko vatreno oružje;
- 3) vatreno oružje koje je kamuflirano tako da izgleda kao neki drugi predmet,
- 4) municija s probojnim, eksplozivnim, obilježavajućim ili zapaljivim projektilima, te projektili za takvu municiju;
- 5) municija za pištolje i revolvare s projektilom koji ima ekspanzijski učinak i projektili za takvu municiju osim municije za lov ili sportsko streljaštvo za lica kojima je dozvoljeno da koriste to oružje,
- 6) minsko-eksplozivna sredstva i dijelovi;
- 7) oružje koje je izrađeno ili prerađeno bez odobrenja za promet oružjem, osim oružja iz kategorije C podtačka 3);
- 8) poluautomatsko vatreno oružje za civilnu upotrebu, koje po svom autentičnom izgledu odgovara automatskom oružju,
- 9) ostalo vatreno oružje koje nije obuhvaćeno kategorijama B,C ili D;
- 10) posebna oprema za vatreno oružje.

b) kategorija B, koju čine:

- 1) poluautomatsko ili repetirajuće vatreno oružje kratke cijevi;
- 2) vatreno oružje kratke cijevi za jedinačnu paljbu sa središnjim paljenjem;
- 3) vatreno oružje kratke cijevi za jedinačnu paljbu s rubnim paljenjem;
- 4) lovačko oružje u skladu sa propisima o lovstvu Federacije Bosne i Hercegovine;
- 5) poluautomatsko vatreno oružje duge cijevi sa magacinom i ležištem za najviše tri metka, kod kojeg se magacin, odnosno opruga za punjenje može skinuti, odnosno nije sigurno da li je oružje napravljeno tako da se uz obični alat može prepraviti u oružje sa magacinom i ležištem za više od tri metka;
- 6) repetirajuće i poluautomatsko vatreno oružje duge cijevi s glatkom cijevi ukupne dužine do 60 cm;
- 7) repetirajuće vatreno oružje duge cijevi koje nije obuhvaćeno u podtački 6) ove tačke;
- 8) vatreno oružje duge cijevi za jedinačnu paljbu sa jednom ili više užlijebljenih cijevi;
- 9) vatreno oružje duge cijevi za jedinačnu paljbu sa jednom ili više glatkih cijevi;
- 10) poluautomatsko vatreno oružje duge cijevi koje nije obuhvaćeno podtačkama od 4), 5), 6) i 7) ove kategorije;
- 11) staro i trofejno oružje.

c) kategorija C, koju čine:

- 1) gasno oružje;
- 2) reprodukcija vatrenog oružja kod kojeg se ne upotrebljava jedinstveni naboj;
- 3) mužari;
- 4) vazdušno oružje;

5) električni paralizatori;

d) kategorija D, koju čine:

- 1) raspršivači, odnosno sprejevi;
- 2) oružje s tetivom, osim podvodnih pušaka i drugih predmeta, koji snagom opruge, napete gume ili sabijenog plina izbacuju osti ili harpun i koji su isključivo namjenjeni ribolovu;
- 3) hladno oružje.

Član 7.

(Ograničenja posjedovanja oružja)

- (1) Zabranjeno je nabavljanje, držanje ili nošenje i promet oružja kategorije A, nabavljanje, držanje i promet hladnog oružja kojem je osnovna namjena napad ili nanošenje ozljeda, nošenje takvog hladnog oružja na javnom mjestu i nabavljanje, držanje i promet podvodnih pušaka i drugih predmeta, koji snagom opruge, napete gume ili sabijenog plina izbacuju osti ili harpun i koji su isključivo namjenjeni ribolovu.
- (2) Zabranjeno je nabavljanje, držanje ili nošenje oružja kategorije B bez odgovarajuće isprave o oružju.
- (3) Oružje kategorije C nabavlja se u slobodnoj prodaji, a drži se i nosi na osnovu izdate prijave o oružju nadležnog organa.
- (4) Oružje kategorije D nabavlja se u slobodnoj prodaji, a držanje i nošenje se ne prijavljuje nadležnom organu.
- (5) Oružje kategorije C i D mogu nabavljati, držati ili nositi samo lica starija od 18 godina.

POGLAVLJE II - NABAVLJANJE ORUŽJA I MUNICIJE I ISPRAVE O ORUŽJU

Član 8.

(Zahtjevi i obrasci isprava o oružju)

- (1) Zahtjev za izdavanje odobrenja za nabavku oružja podnosi se na propisanom obrascu nadležnom organu prema mjestu prebivališta, odnosno sjedišta podnosioca zahtjeva.
- (2) Obrazac zahtjeva iz stava (1) ovog člana, kao i svih drugih zahtjeva vezanih za izdavanje isprava o oružju, te izgled i sadržaj obrazaca isprava o oružju utvrdiće se pravilnikom kojeg donosi ministar unutrašnjih poslova na prijedlog policijskog komesara.

Član 9.

(Uvjeti za izdavanje odobrenja za nabavku oružja fizičkom licu)

- (1) Nadležni organ izdaje fizičkom licu odobrenje za nabavku oružja ukoliko ispunjava opće i posebne uvjete.
- (2) Opći uvjeti za izdavanje odobrenja za nabavku oružja fizičkom licu su:
 - a) da je državljanin Bosne i Hercegovine ili stranac sa stalnim boravkom ili privremenim boravkom dužim od 1 godine;
 - b) da je navršio 21 godinu života;
 - c) da ima opravdani razlog za nabavku oružja;

- d) da nije osuđivan za krivično djelo ili da se protiv lica ne vodi krivični postupak, osim za krivična djela protiv bezbjednosti javnog saobraćaja;
 - e) da nije kažnjavan za prekršaj protiv javnog reda i mira sa elementima nasilja, prekršaj propisan Zakonom o oružju i municiji za koji je propisana zaštitna mjera oduzimanja oružja ili za prekršaj sa elementima nasilja u skladu sa drugim zakonom, kao i da se protiv tog lica ne vodi postupak za takve prekršaje;
 - f) da ne postoje okolnosti koje negativno utiču na javni red i mir, odnosno interese bezbjednosti, kao i da ne postoje druge okolnosti koje ukazuju da bi oružje moglo biti zloupotrijebljeno, kao što je: prekomjerno uživanje alkohola, konzumacija opojnih droga ili drugih omamljujućih sredstava, izraženo poremećeni porodični odnosi, sukobi s okolinom, agresivno i ekscesno ponašanje i drugi poremećaji u ponašanju, kriminalističko- obavještajni razlozi i razlozi koji ukazuju na povezanost sa osobama iz kriminalističko- obavještajne evidencije i slično.
- (3) Posebni uvjeti za izdavanje odobrenja za nabavku oružja fizičkom licu su:
- a) da je zdravstveno sposoban za držanje i nošenje oružja;
 - b) da raspolaže tehničkim znanjem i vještinom za pravilnu upotrebu oružja i da poznaje propise koji se odnose na držanje i nošenje oružja;
 - c) da ima uvjete za siguran smještaj i čuvanje oružja.
- (4) Izuzetno od stava (2) tačka b) ovog člana, odobrenje za nabavku oružja može se izdati i licu iz člana 3. stava (4) ovog zakona, sa navršениh 18 godina života za vrijeme aktivne službe i članovima sportskih streljačkih udruženja koji se aktivno takmiče u streljaštvu.
- (5) Nadležni organ formira komisiju za odlučivanje po podnesenom zahtjevu za nabavku, držanje i nošenje oružja i municije, koja ocjenjuje opravdanost zahtjeva za nabavku, držanje i nošenje oružja i municije.
- (6) Uvjeti za bezbjedan smještaj oružja i municije iz stava (3) tačka c) ovog člana utvrđuju se pravilnikom, koji donosi ministar unutrašnjih poslova na prijedlog policijskog komesara.

Član 10.

(Utvrđivanje uvjeta za izdavanje odobrenja za nabavku oružja fizičkom licu)

- (1) Uvjet iz člana 9. stav (2) tačka a) i b) podnosilac zahtjeva dokazuje dostavljanjem fotokopije lične karte;
- (2) Uvjet iz člana 9. stav (2) tačka c), odnosno da fizičko lice ima opravdan razlog za nabavku oružja, se dokazuje:
 - a) izvršenim provjerama nadležnog organa da je njegova lična bezbjednost ugrožena ili bi mogla biti ugrožena u tolikoj mjeri da mu za njegovo obezbjeđenje treba oružje ili ukoliko zbog naravi posla ili okolnosti u kojim ga obavlja postoji potreba za nabavkom oružja;
 - b) članstvom u lovačkom društvu i položenim lovačkim ispitom, što podnosilac zahtjeva dokazuje uvjerenjem o članstvu u lovačkom društvu i uvjerenjem o položenom lovačkom ispitu.
 - c) članstvom u sportskoj streljačkoj organizaciji, što podnosilac zahtjeva dokazuje uvjerenjem sportske streljačke organizacije čiji je član.
- (3) Uvjet iz člana 9. stav (2) tačke d) ovog zakona, odnosno da se protiv istog ne vodi krivični postupak, dokazuje se na osnovu uvjerenja nadležnog suda koji dostavlja podnosilac zahtjeva, a činjenicu o neosuđivanosti utvrđuje nadležni organ za vođenje kaznenih evidencija.

- (4) Uvjet iz člana 9. stav (2) tačka e) ovoga zakona utvrđuje se provjerom u prekršajnoj evidenciji u nadležnom policijskom organu.
- (5) Uvjet iz člana 9. stav (2) tačka f) ovoga zakona utvrđuje se provjerom nadležnog organa na terenu.
- (6) Radi utvrđivanja uvjeta iz člana 9. stav (2) tačka c) i f) i stava (3) tačka c) ovoga zakona, nadležni policijski službenik ovlašten je da traži i prikuplja podatke i informacije od građana o podnosiocu zahtjeva za nabavku oružja.
- (7) Lovačke i streljačke organizacije su u obavezi da u roku od osam dana dostave nadležnom organu obavijest o prestanku članstva svoga člana.

Član 11.

(Dostavljanje dokaza o ispunjavanju posebnih uslova)

- (1) Nadležni organ dostavlja pismeno obavještenje podnosiocu zahtjeva koji ispunjava opće uvjete iz člana 9. stav (2) ovog zakona, da u roku od 60 dana dostavi dokaze o ispunjavanju posebnih uvjeta iz člana 9. stav (3) tačka a) i b) ovog zakona.
- (2) U roku iz stava (1) ovog člana nadležni policijski službenik ovlašten je da neposrednim opažanjem u stambenom ili drugom prostoru, gdje se oružje drži, utvrdi postojanje uvjeta iz člana 9. stav (3) tačka c), da je osiguran bezbjedan smještaj i čuvanje oružja, u skladu sa pravilnikom iz člana 9. stav (6).

Član 12.

(Dokazi o zdravstvenoj sposobnosti za držanje i nošenje oružja)

- (1) Uvjet iz člana 9. stav (3) tačka a) ovoga zakona podnosilac zahtjeva dokazuje uvjerenjem o zdravstvenoj sposobnosti za držanje i nošenje oružja, a lice iz člana 3. stav (4) ovog zakona potvrdom nadležnog organa o zaposlenju.
- (2) Uvjerenje i potvrda iz stava (1) ovog člana ne mogu biti stariji od šest mjeseci od dana izdavanja.
- (3) Uvjerenje iz stava (1) ovog člana izdaje nadležna zdravstvena ustanova.
- (4) Nadležni organ za zdravstvo imenovanju zdravstvenu ustanovu i komisiju za utvrđivanje zdravstvene sposobnosti za držanje ili držanje i nošenje oružja.
- (5) Bliži uvjeti koje moraju ispunjavati zdravstvene ustanove koje će obavljati zdravstvene preglede kojima se utvrđuje zdravstvena sposobnost za držanje i nošenje oružja, način i postupak obavljanja zdravstvenih pregleda, popis bolesti i zdravstvenih stanja koja lice čine nepodobnim za držanje i nošenje oružja, način vođenja evidencije i medicinske dokumentacije i sadržaj uvjerenja o izvršenom zdravstvenom pregledu, kao i naknade u vezi s utvrđivanjem zdravstvene sposobnosti utvrdiće se pravilnikom, koji donosi ministar unutrašnjih poslova u saradnji sa Ministarstvom zdravstva i socijalne politike.

Član 13.

(Promjene zdravstvene sposobnosti)

- (1) Nadležna zdravstvena ustanova, odnosno ljekar koji ima saznanja o promjeni zdravstvenog stanja vlasnika oružja, a koja može uticati na njegovu sposobnost za držanje i nošenje oružja, dužna je odmah po saznanju za takvu promjenu obavijestiti nadležni organ koji vodi evidenciju o oružju.
- (2) Nadležni organ koji vodi evidenciju o oružju dužan je jednom godišnje obavijestiti

nadležnu zdravstvenu ustanovu o vlasnicima oružja.

Član 14.

(Dokazi o tehničkom znanju i vještini za pravilnu upotrebu oružja)

- (1) Ispunjavanje uvjeta iz člana 9. stav (3) tačka b) ovog zakona za oružje kategorije B podnosilac zahtjeva dokazuje potvrdom o položenom ispitu o osposobljenosti za pravilno držanje, nošenje i rukovanje oružjem.
- (2) Izuzetno od stava (1) ovog člana, lice iz člana 3. stav (4) ovog zakona, za vrijeme aktivne službe ili nakon odlaska u penziju, uslove dokazuje ispravom o zaposlenju, odnosno o prestanku radnog odnosa zbog ispunjavanja uvjeta za penziju.
- (3) Stručna ovlaštena organizacija za obuku u rukovanju vatrenim oružjem može biti streljačka, odnosno druga organizacija i ustanova koja raspolaže potrebnim prostorom, strelištem, stručnim kadrom i koja ispunjava propisane uslove za sprovođenje obuke i posjeduje odobrenje nadležnog organa koji izdaje isprave o oružju.
- (4) Potvrdu iz stava (1) ovog člana izdaje Komisija za provjeru znanja o pravilnom držanju, nošenju i rukovanju oružjem koju imenuje nadležni organ.
- (5) Program obuke i načinu osposobljavanja za pravilno rukovanje, držanje i nošenje oružja utvrdiće se pravilnikom, koji donosi ministar unutrašnjih poslova na prijedlog policijskog komesara .

Član 15.

(Rješavanje o zahtjevu fizičkog lica za izdavanje odobrenja za nabavku oružja)

- (1) Odobrenje za nabavku oružja izdaje se fizičkom licu koje ispunjava uvjete iz člana 9. ovog zakona.
- (2) O izdavanju odobrenja iz stava (1) ovog člana odlučuje nadležni organ rješenjem.

Član 16.

(Uvjeti za izdavanje odobrenje za nabavku oružja pravnom licu i fizičkom licu registriranom za obavljanje djelatnosti)

- (1) Odobrenje za nabavku oružja može se izdati pravnom licu i fizičkom licu registriranom za obavljanje djelatnosti, koje ispunjava sljedeće uvjete:
 - a) ako ima opravdani razlog za nabavku oružja;
 - b) ako odgovorno lice i lice zaduženo za bezbjednost ispunjava opće i posebne uvjete iz člana 9. ovog zakona, izuzev uvjeta iz člana 9. stava (3) tačke c) ovog zakona;
 - c) ako ima prostor za bezbjedan smještaj i čuvanje oružja.
- (2) Opravdan razlog za nabavku oružja ima pravno lice i fizičko lice registrirano kod nadležnog suda za obavljanje djelatnosti lova, uzgoja divljači, sportskog streljaštva, vođenje civilnih strelišta, obavljanje poslova fizičke zaštite, osposobljavanja lica za pravilnu upotrebu vatrenog oružja, naučnog istraživanja za koje je potrebno oružje, kao i pravno lice koje ima uspostavljenu unutrašnju službu za zaštitu ljudi i imovine u skladu sa važećim propisima.
- (3) Prostorni i tehnički uvjeti smještaja i čuvanja oružja i municije iz stava (1) tačka c) ovog člana utvrdiće se pravilnikom kojeg donosi ministar unutrašnjih poslova na prijedlog policijskog komesara.

- (4) Ispunjavanje uvjeta iz stava (3) ovog člana utvrđuje Komisija za utvrđivanje prostornih i tehničkih uvjeta smještaja oružja i municije koju imenuje ministar unutrašnjih poslova Unsko- sanskog kantona.
- (5) Komisiju iz stava (4) ovog člana čine dva policijska službenika i jedan inspektor za zaštitu od požara i eksplozija.

Član 17.

(Rješavanje o zahtjevu pravnog lica)

- (1) Odobrenje za nabavku oružja izdaje se pravnom licu i fizičkom licu registriranom za obavljanje djelatnosti, koje ispunjava uvjete iz člana 16. ovog zakona.
- (2) O izdavanju odobrenja iz stava (1) ovog člana odlučuje nadležni organ rješenjem.

Član 18.

(Dozvoljeni broj oružja za posjedovanje)

- (1) Fizičko lice može imati najviše tri komada pištolja različitog kalibra, jedan revolver i pet komada lovačkog oružja za koje su mu izdate isprave o oružju, izuzev članova streljačkih organizacija.
- (2) Pravno lice i fizičko lice registrirano za obavljanje djelatnosti, osim agencije i unutrašnje službe za zaštitu lica i imovine, može posjedovati vatreno oružje čiji broj zavisi od potrebe i broja zaposlenih lica koja imaju potrebu za korištenje oružja.
- (3) Agencija i unutrašnja služba za zaštitu lica i imovine može posjedovati oružje čiji je broj propisan zakonom koji reguliše rad agencija i unutrašnjih službi za zaštitu lica i imovine.

Član 19.

(Žalba)

- (1) Protiv rješenja iz člana 15. i 17. ovog zakona, podnosilac zahtjeva može izjaviti žalbu Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
- (2) Rješenje doneseno po žalbi je konačno u upravnom postupku i protiv njega se ne može voditi upravni spor.

Član 20.

(Važenje odobrenja)

- (1) Odobrenje za nabavku oružja izdaje se sa rokom važenja od šest mjeseci od dana izdavanja.
- (2) Odobrenje za nabavku oružja koje nije iskorišteno u roku iz stava (1) ovog člana mora se vratiti nadležnom organu u roku od osam dana od dana isteka roka važenja.

Član 21.

(Registracija oružja i izdavanje oružnog lista i odobrenja za držanje oružja)

- (1) Fizičko lice koje je nabavilo oružje na osnovu odobrenja za nabavku oružja, dužno je nadležnom organu podnijeti zahtjev za registraciju oružja i izdavanje oružnog lista na propisanom obrascu u roku od osam dana od dana nabavke.

- (2) Pravno lice i fizičko lice koje je registrovano za obavljanje djelatnosti, koje je nabavilo oružje na osnovu odobrenja za nabavku oružja, dužno je nadležnom organu podnijeti zahtjev za izdavanje odobrenja za držanje oružja na propisanom obrascu u roku od osam dana od dana nabavke.
- (3) Nadležni organ za registrovano oružje fizičkom licu izdaje oružni list.
- (4) Nadležni organ za registrovano oružje pravnom licu i fizičkom licu koje je registrovano za obavljanje djelatnosti izdaje odobrenje za držanje oružja.

Član 22.

(Odbijanje zahtjeva za izdavanje oružnog lista i odobrenja za držanje oružju)

- (1) Nadležni organ će rješenjem odbiti zahtjev za izdavanje oružnog lista, odnosno odobrenja za držanje oružja ako je podnosilac zahtjeva nabavio oružje nakon isteka roka iz člana 20. ovog zakona, kao i u slučaju kada se u postupku registracije utvrdi da je nastupio neki od razloga iz člana 9., odnosno člana 16. ovog zakona.
- (2) U slučaju iz stava (1) ovog člana oduzeće se oružje i odobrenje za nabavku oružja i postupiti u skladu sa članom 54. ovog zakona
- (3) Nadležni organ će rješenjem odbiti zahtjev za izdavanje oružnog lista, odnosno odobrenja za držanje oružja i oduzeti oružje za koje se ne može dokazati porijeklo i oružje koje prije stavljanja u promet nije označeno žigom ili obilježeno u skladu sa Zakonom o ispitivanju, žigosanju i obilježavanju vatrenog oružja i municije.
- (4) Oružje oduzeto u skladu sa stavom (3) ovog člana nadležni organ će uništiti.

Član 23.

(Rješavanje o zahtjevu za nošenje oružja)

- (1) Fizičko lice koje želi da nosi oružje za ličnu bezbjednost, a za koje ima izdan oružni list, podnosi nadležnom organu pismeno obrazloženi zahtjev za nošenje oružja.
- (2) O zahtjevu iz stava (1) ovog člana nadležni organ odlučuje rješenjem.
- (3) Fizičko lice kome je odobreno nošenje oružja dužno je nadležnom organu podnijeti zahtjev za izdavanje dozvole za nošenje oružja za ličnu bezbjednost u roku od osam dana od dana prijema rješenja iz stava (2) ovog člana.
- (4) Nadležni organ će rješenjem odbiti zahtjev za izdavanje dozvole za nošenje oružja fizičkom licu koje je podnijelo zahtjev za nošenje oružja ukoliko ocijeni da to ugrožava interese sigurnosti ili ukoliko se preduzimanjem redovnih i dodatnih mjera od strane nadležnog organa može osigurati odgovarajuća zaštita tog lica.
- (5) Protiv rješenja iz stava (4) ovog člana može se izjaviti žalba Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
- (6) Rješenje doneseno po žalbi je konačno u upravnom postupku i protiv njega se ne može voditi upravni spor.

Član 24.

(Dozvola za nošenje oružja)

- (1) Dozvola za nošenje oružja izdaje se na osnovu rješenja kojim je nošenje oružja odobreno.
- (2) Dozvola za nošenje oružja važi dok traju razlozi zbog kojih je izdata, a najduže do isteka roka važenja oružnog lista na osnovu kojeg je izdata.
- (3) Ukoliko nadležni organ prije isteka roka važenja dozvole za nošenje oružja utvrdi da su

prestali razlozi zbog kojih je nošenje oružja odobreno, donijeće rješenje kojim se nošenje oružja zabranjuje, a dozvolu za nošenje oružja će oduzeti i poništiti.

Član 25.

(Važenje i produženje isprava o oružju)

- (1) Oružni list i odobrenje za držanje oružja izdaje nadležni organ sa rokom važenja od pet godina.
- (2) Rok važenja dozvole za nošenje oružja traje do isteka roka važenja oružnog lista na osnovu kojeg je dozvola izdata.
- (3) Potvrda o prijavi oružja se izdaje na neodređeno vrijeme, a u slučaju promjene vlasništva nad oružjem vlasnik je dužan potvrdu vratiti organu koji je potvrdu izdao.
- (4) Potvrda za nošenje oružja i municije, iz člana 41. stav (3) ovog zakona, se izdaje za vremenski period od najviše osam dana.
- (5) Ukoliko vlasnik oružja kojem je izdat oružni list, dozvola za nošenje oružja, odnosno odobrenje za držanje oružja u roku od 30 dana nakon isteka njihove važnosti ne izvrši produženje važnosti isprava o oružju nadležni organ će oduzeti oružje i municiju i isprave o oružju.
- (6) Nadležni organ će izvršiti produženje oružnog lista ako podnosilac zahtjeva ispunjava uvjete iz člana 9. stav (2) tačka a), c), d), e) i f) i stava (3) tačka a) i c) ovog zakona i priloži dokaz o:
 - a) ispravnosti oružja, izdatog od pravnog lica ili fizičkog lica registrovanog za obavljanje djelatnosti popravljanja i prepravljanja oružja;
- (7) Nadležni organ će rješenjem odbiti zahtjev za produženje važnosti isprava o oružju kada se u postupku produženja važnosti oružnog lista utvrdi da vlasnik oružja ne ispunjava neki od uvjeta iz stava (6) ovog člana.
- (8) Ukoliko u roku iz stava (5) ovog člana ne izvrši produženje važnosti isprava o oružju vlasnik oružja je dužan oružje, municiju i isprave o oružju predati nadležnom organu.

Član 26.

(Odobrenje za nabavku municije)

- (1) Nadležni organ može izdati odobrenje za nabavku municije fizičkom licu koje ima oružni list, odnosno pravnom i fizičkom licu registriranom za obavljanje djelatnosti, koje ima odobrenje za držanje oružja, pod uslovom da ima opravdan razlog za nabavku municije (utrošak na strelištu, provjera ispravnosti, idr.)
- (2) Zahtjev za izdavanje odobrenja iz stava (1) ovog člana podnosi se nadležnom organu.
- (3) Odobrenje iz stava (1) ovog člana izdaje se pravnom licu i fizičkom licu koje je registrovano za obavljanje djelatnosti lova, popravke i prepravke oružja, vođenja civilnog strelišta i sportskoj streljačkoj organizaciji, koja je upisana u registar udruženja.
- (4) Odobrenje za nabavku municije izdaje se sa rokom važenja od šest mjeseci.
- (5) Odobrenje za nabavku municije koje nije iskorišteno u roku iz stava (4) ovog člana fizičko, pravno ili fizičko lice registrirano za obavljanje djelatnosti dužno je vratiti nadležnom organu u roku od osam dana od isteka roka važenja.
- (6) Izuzetno, municija se može nabaviti bez odobrenja za nabavku municije:
 - a) za puške sa neolučenim cijevima na osnovu oružnog lista,
 - b) za vazdušno oružje na osnovu potvrde o prijavi oružja.
- (7) Nadležni organ će rješenjem odbiti zahtjev za izdavanje odobrenja za nabavku municije ukoliko fizičko i pravno lice nema opravdan razlog za nabavku municije.
- (8) Protiv odobrenja iz stava (3), odnosno protiv rješenja iz stava (7) ovog člana, može se

izjaviti žalba Ministarstvu unutrašnjih poslova Unsko- sanskog kantona u roku od 15 dana od dana uručenja rješenja.

- (9) Rješenje doneseno po žalbi je konačno u upravnom postupku i protiv njega se ne može voditi upravni spor.

Član 27.

(Onesposobljavanje vatrenog oružja)

- (1) Fizičko lice, pravno lice i fizičko lice registrirano za obavljanje djelatnosti, koje je vlasnik oružja, kao i nasljednik oružja, može dati oružje na trajno onesposobljavanje ovlaštenom serviseru iz člana 57. stav (1) ovog zakona.
- (2) Ovlašteni serviser iz stava (1) ovoga člana, koji je izvršio onesposobljavanje oružja izdaje vlasniku oružja odgovarajuću potvrdu.
- (3) Troškove onesposobljavanja oružja snosi vlasnik ili nasljednik oružja.
- (4) Vlasnik oružja ili nasljednik oružja dužan je prijaviti trajno onesposobljeno oružje nadležnom organu u roku od osam dana od dana onesposobljavanja uz dostavu potvrde iz stava (2) ovog člana.
- (5) Vatreno oružje koje je onesposobljeno za upotrebu ne smije se osposobljavati.

Član 28.

(Odobrenje za sakupljanje i držanje starog oružja)

- (1) Odobrenje za sakupljanje i držanje starog oružja izdaje nadležni organ na zahtjev fizičkog i pravnog lica na neodređeno vrijeme.
- (2) Nadležni organ izdaje odobrenje iz stava (1) ovog člana fizičkom licu koje ispunjava uvjete iz člana 9. ovog zakona.
- (3) Nadležni organ izdaje odobrenja iz stava (1) ovog člana pravnom licu i fizičkom licu registriranom za obavljanje djelatnosti koji ispunjava uvjete propisane članom 16. ovog zakona.
- (4) Ispunjavanje uvjeta iz člana 9. stav (2) tačka f) i stav (3) tačka c) ovog zakona utvrđuje nadležni policijski službenik iz člana 10. stav (6), a ispunjavanje uvjeta iz člana 16. stav (1) tačka i) c) ovog zakona utvrđuje Komisija za utvrđivanje prostornih i tehničkih uvjeta smještaja oružja i municije iz člana 16. stav (4).
- (5) Oružje koje se drži na osnovu odobrenja iz stava (1) ovog člana ne smije se nositi ili upotrebljavati, niti se za njega smije nabavljati, držati ili praviti municija.
- (6) Oružje iz stava (1) ovog člana smije se prodati samo fizičkom licu, pravnom licu ili fizičkom licu registriranom za obavljanje djelatnosti, kojem je izdato odobrenje iz stava (1) ovog člana, a prodavac oružja je dužan izvršiti odjavu oružja kod nadležnog organa u roku od osam dana od dana prodaje.
- (7) Staro oružje ne smije se osposobljavati.
- (8) Izuzetno, pravno lice i fizičko lice registrirano za obavljanje djelatnosti, iz stava (3) ovog člana, uz staro oružje može sakupljati i oružje kategorije A, koje se više ne izrađuje ili koje ne upotrebljavaju oružane snage ili policija, pod uslovom da je trajno onesposobljeno.

Član 29.

(Odobrenje za držanje trofejnog oružja)

- (1) Odobrenje za držanje trofejnog oružja izdaje nadležni organ na zahtjev fizičkog ili pravnog lica na neodređeno vrijeme.
- (2) Nadležni organ izdaje odobrenje iz stava (1) ovog člana fizičkom licu koje ispunjava uslove iz člana 9. ovog zakona.
- (3) Nadležni organ izdaje odobrenje iz stava (1) ovog člana pravnom licu i fizičkom licu registriranom za obavljanje djelatnosti koji ispunjava uslove propisane članom 16. ovog zakona.
- (4) Ispunjavanje uvjeta iz člana 9. stav (2) tačka f) i stav (3) tačka c) ovog zakona utvrđuje nadležni policijski službenik iz člana 10. stav (6), a ispunjavanje uvjeta iz člana 16. stav (1) tačka i c) ovog zakona utvrđuje Komisija za utvrđivanje prostornih i tehničkih uvjeta smještaja oružja i municije iz člana 16. stav (4).
- (5) Oružje koje se drži na osnovu odobrenja iz stava (1) ovog člana ne smije se nositi ili upotrebljavati, niti se za njega smije nabavljati, držati ili praviti municija.
- (6) Oružje iz stava (1) ovog člana smije se prodati samo fizičkom licu, pravnom licu ili fizičkom licu registriranom za obavljanje djelatnosti, kojem je izdato odobrenje iz stava (1) ovog člana, a prodavac oružja je dužan izvršiti odjavu oružja kod nadležnog organa u roku od osam dana od dana prodaje.
- (7) Trofejno oružje ne smije se osposobljavati.

Član 30.

(Oružje sa obavezom prijavljivanja nadležnom organu)

- (1) Fizičko lice starije od 18 godina i pravno i fizičko lice registrirano za obavljanje djelatnosti može bez odobrenja nadležnog organa nabavljati i držati oružje kategorije C.
- (2) Lice iz stava (1) ovog člana koje nabavi oružje kategorije C, dužno je prijaviti oružje nadležnom organu u roku od osam dana od dana nabavke na propisanom obrascu i uz prijavu dostaviti dokaz o porijeklu oružja.
- (3) Za prijavljeno oružje iz stava (1) ovog člana nadležni organ izdaje potvrdu o prijavi.
- (4) Fizičko i pravno lice koje posjeduje registrovano lovačko ili sportsko oružje, može nabaviti optički nišan za to oružje bez odobrenja nadležnog organa.
- (5) Lice iz stava (4) ovog člana dužno je prijaviti nabavku, otuđenje, nestanak ili gubljenje optičkog nišana najkasnije u roku od 10 dana od dana nabavke, otuđenja ili nestanka.
- (6) Prodavac oružja iz stava (2) ovog člana i prodavac optičkog nišana iz stava (4) ovog člana dužan je prijaviti prodaju nadležnom organu u roku od osam dana od dana prodaje.
- (7) Prodavac oružja ne smije prodati oružje kategorije C fizičkom licu mlađem od 18 godina.

POGLAVLJE III - POSTUPANJE S ORUŽJEM I MUNICIJOM

Član 31.

(Prodaja i prenos vlasništva nad oružjem i municijom)

- (1) Ovlašteni trgovac može prodati oružje ili municiju samo licu koje ima odobrenje za nabavku oružja ili municije izdato od strane nadležnog organa.
- (2) Ovlašteni trgovac oružjem dužan je:

- a) prilikom prodaje oružja ili municije zadržati jedan originalan primjerak odobrenja za nabavljanja oružja ili municije, a na drugi primjerak staviti zabilješku o izvršenoj prodaji i ovjeriti vlastitim pečatom i potpisom odgovornog lica;
 - b) u roku od osam dana od dana prodaje pismeno obavijestiti nadležni organ koji je izdao odobrenje za nabavljanje oružja ili municije.
- (3) Vlasnik oružja može prenijeti pravo vlasništva na vatreno oružje i municiju samo fizičkom ili pravnom licu koje ima odobrenje za nabavku te vrste i kalibra oružja i municije.
 - (4) Vlasnik oružja koji je prenio pravo vlasništva na lice iz stava (3) ovog člana dužan je u roku od osam dana od dana prenosa vlasništva, objavitelji oružje kod nadležnog organa i izvršiti predaju isprava o oružju.
 - (5) Zamjena vatrene oružja između vlasnika može se izvršiti samo ako oružni listovi glase na istu vrstu vatrene oružja.
 - (6) Lice koje zamijeni oružje dužno je u roku od osam dana od dana sklapanja ugovora o zamjeni obavijestiti nadležni organ i podnijeti zahtjev za registraciju oružja.

Član 32.

(Naručita pažnja u postupanju s oružjem i municijom)

- (1) Sa oružjem i municijom mora se postupati s naročitom pažnjom.
- (2) Naročita pažnja u postupanju s oružjem i municijom podrazumijeva propisno čuvanje, pravilno, stručno i pažljivo rukovanje, nošenje, prenošenje i držanje u ispravnom stanju.

Član 33.

(Nošenje oružja)

- (1) Oružje za ličnu bezbjednost ne smije se nositi bez dozvole za nošenje oružja.
- (2) Vlasnik ili korisnik koji ima pravo nošenja oružja dužan je nositi oružje na način kojim se ne ugrožava lična bezbjednost i bezbjednost drugih lica.
- (3) Vlasnik ili korisnik oružja kojem je izdat oružni list oružje može prenositi oružje samo radi popravljivanja, prepravljivanja, onesposobljavanja ili upotrebe na strelištu, pod uslovom da je oružje rasklopljeno, ukoliko je to tehnički moguće ili da je municija fizički odvojena od oružja, u odgovarajućim navlakama ili kovčezima.
- (4) Van lovišta, odnosno strelišta vatreno i vazdušno oružje mora se držati, odnosno nositi u odgovarajućim futrolama i kovčezima i ne smije biti napunjeno, u skladu sa propisima koji regulišu navedenu oblast.
- (5) Zabranjeno je nošenje vatrene, vazdušne i hladnog oružja na javnim, vjerskim i sportskim okupljanjima, u školama, zdravstvenim i javnim ustanovama, ugostiteljskim objektima i prostorima koji se koriste za pružanje ugostiteljskih usluga, kao i na drugim mjestima ili objektima gdje je znakom javno istaknuta zabrana nošenja oružja.
- (6) Fizičko lice ne smije nositi oružje kada je pod utjecajem alkohola, opojnih droga ili drugih omamljujućih sredstava, odnosno prilikom ispitivanja odgovarajućim sredstvima i aparatima za mjerenje alkoholiziranosti od strane ovlaštenih lica ne smije imati alkohola, opojnih droga i drugih omamljujućih sredstava u organizmu u količini većoj od 0,00 g/kg.
- (7) Oružje se ne smije nositi na javnom mjestu na način kojim se može izazvati osjećanje fizičke ugroženosti, uznemirenosti i negodovanje građana.
- (8) Odredba stava (5) ovog člana ne odnosi se na sportsko oružje u slučaju kada se ono nosi radi takmičenja u gađanju.

Član 34.
(Čuvanje oružja i municije)

- (1) Oružje i municija čuvaju se na način da nisu dostupni drugim licima, posebno djeci, zaključani i odvojeni u metalnom ormaru, sefu ili sličnom spremištu, koje se ne može otvoriti alatom uobičajene upotrebe, u skladu sa pravilnikom iz člana 9. stav (6), odnosno člana 16. stav (3) ovog zakona
- (2) Oružje i municija čuvaju se u stambenom ili drugom odgovarajućem prostoru koji se nalazi u mjestu prebivališta, odnosno sjedišta vlasnika oružja i municije, u skladu sa pravilnicima iz stava (1) ovog zakona.
- (3) Vlasnik oružja dužan je na poziv nadležnog organa donijeti oružje na pregled i omogućiti nadležnom policijskom službeniku iz člana 10. stav (6), odnosno Komisiji iz člana 16. stav (4) da izvrši provjeru načina i uslova za bezbjedan smještaj i čuvanje oružja i municije.

Član 35.
(Dotrajalo oružje)

- (1) Vlasnik oružja čije je oružje dotrajalo da njegova upotreba može ugroziti bezbjednost ljudi, a ne postoji mogućnost da se oružje popravi ili prepravi, dužan je takvo oružje predati nadležnom organu.
- (2) Vlasnik oružja iz stava (1) ovog člana može onesposobiti oružje kod pravnog lica ili fizičkog lica ovlaštenog za obavljanje djelatnosti popravljanja i prepravljanja oružja i u tom slučaju dužan je podnijeti zahtjev za izdavanje odobrenja za držanje trofejnog oružja.
- (3) Vlasnik oružja iz stava (1) ovog člana će predati oružje nadležnom organu bez naknade i uz pismenu izjavu da ne želi da zadrži vlasništvo nad oružjem.
- (4) Nadležni organ će dotrajalo oružje oduzeti u slučaju da vlasnik dobrovoljno ne preda oružje.
- (5) Oružje iz stava (3) i (4) ovog člana, kao i bitni dijelovi oružja će se uništiti.

Član 36.
(Postupci s oružjem i municijom u slučaju napuštanja mjesta prebivališta)

- (1) Vlasnik oružja i municije koji napušta mjesto prebivališta ili boravišta na vrijeme duže od tri mjeseca, dužan je oružje i municiju predati na čuvanje licu koje posjeduje ispravu o oružju za takvo oružje.
- (2) Vlasnik oružja dužan je da, u slučaju iz stava (1) ovog člana, o predaji oružja i municije na čuvanje obavijesti nadležni organ u roku od 8 dana od dana predaje.
- (3) Nadležni organ će izdati potvrdu o prijemu obavještenja iz stava (2) ovog člana.

Član 37.
(Rukovanje i upotreba oružja)

- (1) Vlasnik oružja dužan je oružje održavati u ispravnom stanju, pravilno i s posebnom pažnjom rukovati sa oružjem.
- (2) Zabranjena je upotreba oružja na javnom mjestu i drugim mjestima na kojima se upotrebom oružja može ugroziti bezbjednost ljudi i objekata, te narušiti javni red i mir.

- (3) Lovačko i sportsko oružje se ne smije upotrebljavati izvan lovišta, odnosno strelišta.
- (4) Izuzetno od odredbe stava (3) ovog člana, vazdušno oružje i luk se smiju upotrebljavati i na mjestima koja su po svom položaju ili po preduzetim mjerama obezbjeđenja takva, da se ne može ugroziti bezbjednost građana.
- (5) Oružje je zabranjeno davati na upotrebu djeci.
- (6) Izuzetno od stava (5) ovog člana vazdušno oružje ili luk mogu se dati na upotrebu djeci starijoj od 12 godina na strelištima i na drugim mjestima određenim i uređenim za vježbe gađanja pod nadzorom trenera koji ispunjava uslove iz člana 9. ovog zakona i uslove propisane posebnim propisom o sportu.
- (7) Električni paralizatori i raspršivači upotrebljavaju se samo za samoodbranu i na način da se time ne ugrožava sigurnost drugih lica.

Član 38.

(Povjeravanje nošenja oružja i municije)

- (1) Pravno lice i fizičko lice registrirano za obavljanje djelatnosti, koje posjeduje oružje i municiju u skladu sa članom 16. i 18. ovog zakona, može povjeriti nošenje oružja članu streljačke ili lovačke organizacije koji nosi oružje do strelišta ili lovišta ili terena gdje se vrši vježba gađanja ili mjesta takmičenja u gađanju, odnosno fizičkom licu koje obavlja poslove zaštite ili čuvaru šuma, lovišta i ribolovišta, a koji ispunjava uvjete propisane članom 9. stav (2) i stav (3).
- (2) Član streljačke ili lovačke organizacije, odnosno fizičko lice, koje obavlja poslove zaštite, ili čuvar šuma, lovišta i ribolovišta iz stava (1) ovog člana, oružje i municiju koje mu je povjereno može nositi samo do strelišta ili terena gdje se vrši vježba gađanja ili mjesta takmičenja u gađanju, odnosno za vrijeme obavljanja poslova zaštite i čuvanja, a oružje ne smije nositi van objekta ili područja koje obezbjeđuje ili čuva.
- (3) Izuzetno od odredbe stava (2) ovog člana, čuvar šuma, lovišta i ribolovišta, koji ne stanuje na području koje čuva, može nositi oružje i izvan tog područja do svog mjesta stanovanja, a lice koje obezbjeđuje imovinu koja se prevozi ili prenosi, može nositi oružje prilikom obezbjeđenja te imovine.
- (4) Pravno lice i fizičko lice registrirano za obavljanje djelatnosti iz stava (1) ovog člana, izdaje potvrdu fizičkom licu kome povjerava oružje i o tome je dužno obavijestiti nadležni organ kod kojeg je oružje registrovano u roku od osam dana.

Član 39.

(Davanje na poslugu oružja)

- (1) Pištolji i revolveri se ne mogu davati na poslugu drugom licu.
- (2) Lovačko i sportsko oružje može se dati na poslugu drugom fizičkom licu koje ima oružni list za tu vrstu oružja i u slučajevima propisanim u članovima 40. i 41. ovog zakona.

Član 40.

(Davanje na poslugu sportskog oružja)

- (1) Streljačka organizacija može davati na poslugu oružje i municiju samo članovima streljačke organizacije i to za vrijeme dok vrše vježbe gađanja ili se takmiče u gađanju na strelištu ili na drugom terenu određenom za vršenje vježbe gađanja, odnosno takmičenja u gađanju.

- (2) Streljačka organizacija, ukoliko se njihov magacin ne nalazi na strelištu, dužna je izdati potvrdu za nošenje oružja do strelišta ili terena iz stava (1) ovog člana, koja važi samo za dane kada se vrši vježba gađanja, odnosno takmičenje u gađanju.

Član 41.

(Davanje na poslugu lovačkog oružja)

- (1) Pravno lice i fizičko lice registrirano za obavljanje djelatnosti, koji se bavi organizacijom lova i gazduje lovištem, može članovima domaćih i inostranih lovačkih organizacija, davati na poslugu lovačko oružje i municiju najduže osam dana i to samo za lov u određenom lovištu.
- (2) Pravno lice i fizičko lice registrirano za obavljanje djelatnosti dužno je odmah, a najkasnije u roku od 48 sati obavijestiti nadležni organ o davanju lovačkog oružja i municije na poslugu članovima domaćih i inostranih lovačkih organizacija.
- (3) Pravno lice i fizičko lice registrirano za obavljanje djelatnosti iz stava (1) ovog člana, za oružje i municiju, koje je dato na poslugu, izdaje potvrdu za nošenje oružja i municije.
- (4) Lice kome je dato oružje i municija ne smije iznositi oružje i municiju van lovišta iz stava (1) ovog člana.

Član 42.

(Postupanje u slučaju prestanka potrebe za držanjem oružja i municije)

- (1) Pravno lice i fizičko lice registrirano za obavljanje djelatnosti, koje posjeduje oružje i municiju u skladu sa ovim zakonom, a kod koga je iz bilo kojih razloga prestala potreba za daljim držanjem oružja i municije obavjestiće o tome nadležni organ u roku od 15 dana od dana prestanka potrebe držanja oružja i municije, vratiti odobrenje za držanje oružja i predati oružje nadležnom organu.
- (2) U slučaju iz stava (1) ovog člana nadležni organ donosi rješenje kojim se oduzima oružje, municija i odobrenje za držanje oružja i postupa u skladu sa članom 52. ovog zakona.

Član 43.

(Postupanje u slučaju nestanka ili krađe oružja i municije ili isprave o oružju)

- (1) Pravno i fizičko lice koje posjeduje oružje i municiju u skladu sa ovim zakonom u slučaju nestanka ili krađe oružja i municije ili isprave o oružju, dužno je prijaviti nestanak ili krađu nadležnom organu odmah, a najkasnije u roku od dvadesetčetiri sata od saznanja da je oružje i municija ili isprava o oružju nestalo ili ukradeno.
- (2) Pravno i fizičko lice, dužno je o vlastitom trošku u „Službenim novinama Federacije Bosne i Hercegovine“ oglasiti nestanak isprava o oružju, osim nestanka odobrenja za nabavljanje oružja i municije, a nadležni organ donosi rješenje kojim se nestala isprava o oružju oglašava nevažećom.
- (3) U slučaju nestanka ili krađe oružja, vlasnik oružja predaje ispravu o oružju nadležnom organu odmah, a najkasnije u roku od osam dana od saznanja za nestanak ili krađu.
- (4) Prijava iz stava (1) ovog člana podnosi se nadležnom policijskom organu prema mjestu događaja ili saznanja o nestanku ili krađi oružja i municije.
- (5) U prijavi se navode okolnosti pod kojima su oružje i municija izgubljeni ili ukradeni, a koje su podnosiocu prijave poznati.
- (6) O nestalom oružju i ispravama o oružju nadležni organ raspisuje potragu.

Član 44.

(Postupanje sa pronađenim oružjem, municijom i ispravama o oružju)

- (1) Tko nađe oružje, municiju ili isprave o oružju ili sazna za skriveno oružje i municiju dužan je o tome odmah obavijestiti nadležnu policijsku stanicu ili najbližeg policijskog službenika.
- (2) Policijska stanica će o pronalasku nestalog oružja, municije ili isprava o oružju obavijestiti nadležni organ koji ga vodi u evidenciji.
- (3) Ukoliko se vlasnik pronađenog oružja ne javi nadležnom organu u roku od 30 dana od dana obavještanja o pronalasku oružja, nadležni organ će donijeti rješenje o oduzimanju oružja i postupiti u skladu sa odredbama člana 52. ovog zakona.
- (4) Ukoliko se za pronađeno oružje ne može utvrditi vlasnik nakon proteka jedne godine od dana pronalaska nadležni organ će donijeti rješenje o njegovom uništenju.
- (5) Rješenje o uništenju oružja iz stava (4) ovog člana nadležni organ će donijeti i u slučaju pronalaska oružja iz člana 7. stav (1), stav (3) i stav (4) ovog zakona.
- (6) Protiv rješenja iz stava (4) i (5) ovog člana može se izjaviti žalba Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
- (7) Žalba ne odlaže izvršenje rješenja.
- (8) Protiv rješenja donesenog po žalbi ne može se voditi upravni spor.

Član 45.

(Obaveza prijave promjene prebivališta vlasnika oružja)

Vlasnik oružja kome je izdata isprava o oružju, a koji promijeni prebivalište odnosno sjedište, dužan je u roku od 30 dana od dana promjene prebivališta, odnosno sjedišta, prijaviti oružje nadležnom policijskom organu na čijem području je novo prebivalište, odnosno sjedište.

Član 46.

(Postupak s oružjem i municijom u slučaju smrti vlasnika oružja)

- (1) U slučaju smrti vlasnika oružja i municije punoljetni član njegove porodice, zakonski zastupnik, staratelj, fizičko lice koje je s njim živjelo u zajedničkom domaćinstvu ili fizičko lice kod kojeg se oružje i municija u trenutku smrti nalazilo, dužno je odmah po saznanju o postojanju oružja i municije ili u roku od 30 dana od dana smrti vlasnika oružja, a na poziv nadležnog organa i prije tog roka predati na čuvanje oružje, municiju i odgovarajuću ispravu izdatu za to oružje nadležnom organu.
- (2) Nadležni organ o predanom oružju i municiji iz stava (1) ovog člana izdaje potvrdu.
- (3) Nasljednik oružja i municije iz stava (1) ovog člana u roku od 60 dana od dana pravosnažnosti rješenja o nasljeđivanju dužan je postupiti na jedan od sljedećih načina:
 - a) oružje i municiju prodati ili pokloniti licu koje ima odobrenje za nabavku te vrste oružja;
 - b) podnijeti zahtjev za registraciju oružja i municije uz dokaze o ispunjenosti uslova propisanih ovim zakonom;
 - c) podnijeti zahtjev za izdavanje odobrenja za držanje trofejnog oružja uz dokaze o ispunjenosti uslova propisanih ovim zakonom;
 - d) predati nadležnom organu bez prava na naknadu.
- (4) Izuzetno od stava (3) ovog člana, nadležni organ će čuvati oružje i municiju maloljetnog nasljednika dok ne napuni 21 godinu života.

- (5) Nasljednik iz stava (4) ovog člana sa napunjenom 21. godinom života dužan je s oružjem postupiti na način propisan stavom (3) ovog člana.
- (6) Nasljednik oružja koji oružje proda, dužan je oružje objavit kod nadležnog organa u roku od osam dana od dana prodaje.

Član 47.

(Postupci s naslijeđenim oružjem i municijom)

- (1) Nasljedniku oružja koji podnese zahtjev za registraciju naslijeđenog oružja i municije nadležni organ izdaje odgovarajuću ispravu o oružju, ukoliko ispunjava uvjete iz člana 9. ovog Zakona.
- (2) Ukoliko nasljednik oružja i municije ne postupi u skladu sa članu 46. stav (3) ovog zakona, nadležni organ oduzima oružje i municiju.
- (3) O načinu raspolaganja oružjem i municijom iz stava (2) ovog člana odlučuje Uprava policije na prijedlog posebne komisije imenovane od strane policijskog komesara.
- (4) Komisija iz stava (3) ovog člana sa oduzetim oružjem i municijom postupace u skladu sa pravilnikom koji donosi ministar unutrašnjih poslova na prijedlog policijskog komesara.
- (5) Ukoliko se za oružje iz člana 46. ovog zakona u roku od 5 godina ne utvrdi nasljednik oružje se uništava, o čemu nadležni organ donosi rješenje.
- (6) Protiv rješenja iz stava (5) ovog člana može se izjaviti žalba Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
- (7) Žalba ne odlaže izvršenje rješenja.
- (8) Protiv rješenja donesenog po žalbi ne može se voditi upravni spor.

POGLAVLJE IV- ODUZIMANJE ORUŽJA, MUNICIJE I ISPRAVA O ORUŽJU

Član 48.

(Oduzimanje oružja, municije i isprava o oružju fizičkom i pravnom licu)

- (1) Oružje, municija i isprave o oružju oduzimaju se od fizičkog lica, odnosno pravnog lica ako prestane ispunjavati uslove iz člana 9. stav (2) tačka a), c), d), e) i f), člana 9. stav (3) tačka a) i c) i člana 10. stav (2) tačka b) i c) ovog zakona, odnosno člana 16. stav (1) ovog zakona.
- (2) Oružje se oduzima u slučaju ako se ne može dokazati njegovo porijeklo i oružje koje prije stavljanja u promet nije označeno žigom ili obilježeno u skladu sa zakonom o ispitivanju, žigosanju i obilježavanju vatrenog oružja i municije iz člana 22. stav (3) ovog zakona.
- (3) Dozvola za nošenje oružja će se oduzeti ukoliko nadležni organ prije isteka roka važenja dozvole za nošenje oružja utvrdi da su prestali razlozi zbog kojih je nošenje oružja odobreno (član 24. stav (3)).
- (4) Oružje, municija i isprave o oružju oduzimaju se od vlasnika oružja koji u roku iz člana 25. stav (5) i (8) ovog zakona ne izvrši produženje važenja isprave o oružju i ne preda oružje, municiju i isprave o oružju nadležnom organu.
- (5) U slučajevima iz stava (1) ovog člana oduzima se trofejno oružje, kao i staro oružje.
- (6) Dotrajalo oružje se oduzima u slučaju iz člana 35. stav (4) ovog zakona.
- (7) Oružje, municija i isprave o oružju se oduzimaju u slučaju iz člana 42. stav (1) ovog zakona.

- (8) Oružje, municija i isprave o oružju oduzimaju se u slučaju iz člana 44. stav (3) ovog zakona.
- (9) Oružje, municija i isprave o oružju oduzimaju se u slučaju iz člana 47. stav (2).
- (10) Oružje, municija i isprave o oružju oduzimaju se u slučaju iz člana 49. stav (6) ovog zakona.
- (11) O slučajevima iz stava (1), (2), (3), (4), (5), (6), (7), (8), (9) i (10) ovog člana odlučuje nadležni organ rješenjem.
- (12) Protiv rješenja iz stava (11) ovog člana može se izjaviti žalba Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
- (13) Žalba ne odlaže izvršenje rješenja.
- (14) Protiv rješenja donesenog po žalbi ne može se voditi upravni spor.

Član 49.

(Vanredni zdravstveni pregled)

- (1) Nadležni organ rješenjem upućuje vlasnika oružja za kojeg se opravdano sumnja da više nije zdravstveno sposoban za držanje i nošenje oružja na vanredni zdravstveni pregled kod nadležne zdravstvene ustanove sa kojom ima ugovor o pružanju usluga vanrednog zdravstvenog pregleda vlasnika oružja.
- (2) Vlasnik oružja dužan je u roku od 30 dana od dana prijema rješenja o upućivanju na vanredni ljekarski pregled, izvršiti vanredni ljekarski pregled u nadležnoj zdravstvenoj ustanovi iz stava (1) ovog člana.
- (3) Nadležna zdravstvena ustanova iz stava (1) ovog člana dužna je u roku od 30 dana od izvršenog vanrednog zdravstvenog pregleda dostaviti nadležnom organu uvjerenje o zdravstvenoj sposobnosti za držanje i nošenje oružja vlasnika oružja.
- (4) Troškove zdravstvenog pregleda vlasnika oružja iz stava (1) ovog člana koji je proglašen zdravstveno sposobnim za držanje i nošenje oružja snosi nadležni organ.
- (5) Vlasnik oružja iz stava (1) ovog člana za kojeg se na vanrednom zdravstvenom pregledu utvrdi da nije zdravstveno sposoban za držanje i nošenje oružja, sam snosi troškove vanrednog zdravstvenog pregleda.
- (6) Nadležni organ rješenjem oduzima oružje, municiju i oružni list vlasniku oružja koji je na vanrednom zdravstvenom pregledu ocijenjen nesposobnim za držanje i nošenje ili koji ne postupi u skladu sa stavom (2) ovog člana.

Član 50.

(Privremeno oduzimanje oružja, municije i isprava o oružju)

- (1) Nadležni organ može od vlasnika oružja privremeno oduzeti oružje, municiju, dijelove oružja i isprave o oružju ako postoje osnovi sumnje da:
 - a) je vlasnik oružja izvršio krivično djelo, osim krivičnog djela protiv bezbjednosti javnog saobraćaja ili prekršaj protiv javnog reda i mira sa elementima nasilja ili prekršaj propisan Zakonom o oružju i municiji za koji se može izreći zaštitna mjera oduzimanja oružja ili nasilje predviđeno drugim zakonom,
 - b) je s oružjem, municijom, dijelovima oružja i ispravom o oružju izvršeno krivično djelo ili prekršaj;
 - c) su oružje, municija, dijelovi oružja i isprave o oružju pribavljeni krivičnim djelom ili prekršajem;
 - d) su oružje, municija, dijelovi oružja i isprave o oružju nastali izvršenjem krivičnog djela

- ili prekršaja.
- (2) Oružje, municija i isprave o oružju mogu se privremeno oduzeti odmah i prije okončanja upravnog, prekršajnog ili krivičnog postupka ako postoje okolnosti koje ukazuju da bi oružje moglo biti zloupotrijebljeno.
 - (3) U slučajevima iz stava (1) i (2) ovog člana, nadležni organ dužan je izdati potvrdu o privremeno oduzetim predmetima i donijeti rješenje o privremenom oduzimanju vatrenog oružja, municije, dijelova oružja i isprava o oružju.
 - (4) Protiv rješenja iz stava (3) ovog člana može se izjaviti žalba Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
 - (5) Žalba ne odgađa izvršenje rješenja.
 - (6) Protiv rješenja donesenog po žalbi ne može se voditi upravni spor.

Član 51.

(Čuvanje oduzetog oružja i municije)

Oduzeto oružje, municija i isprave o oružju iz člana 48. i privremno oduzeto oružje, municija, dijelovi oružja i isprave o oružju iz člana 50., ovog zakona, čuva se kod nadležnog organa do okončanja postupka.

Član 52.

(Postupak sa oružjem i municijom oduzetim u upravnom postupku)

- (1) Oružje i municija koje je oduzeto u upravnom postupku, u skladu sa odredbama ovog zakona, vlasnik može prodati ili pokloniti fizičkom ili pravnom licu koje posjeduje odobrenje za nabavku te vrste oružja u roku od 6 mjeseca od pravosnažnosti rješenja o oduzimanju oružja i municije.
- (2) Ukoliko vlasnik oružja ne postupi u skladu sa stavom (1) ovog člana nadležni organ će oduzeto oružje dostaviti Upravi policije na dalje raspolaganje.
- (3) O načinu raspolaganja oružjem i municijom iz prethodnog stava odlučuje Uprava policije na prijedlog posebne komisije iz člana 47. stav (3), a u skladu sa pravilnikom iz stava (4) istoga člana.

Član 53.

(Postupak sa oružjem i municijom oduzetim u prekršajnom ili krivičnom postupku)

- (1) Sa oružjem i municijom oduzetim u pravosnažno okončanom prekršajnom ili krivičnom postupku postupa se u skladu sa odlukom nadležnog suda.
- (2) Ukoliko o postupanju sa oružjem iz člana 7. stav (1), (3) i (4) nije pravomoćno odlučeno u sudskom postupku nadležni organ će donijeti rješenje kojim se oružje uništava.
- (3) Na način iz stava (2) ovog člana nadležni organ će postupiti i u slučaju iz člana 7. stav (2) ukoliko se za oružje ne može utvrditi porijeklo.
- (4) Protiv rješenja iz stava (2) i (3) ovog člana može se izjaviti žalba Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
- (5) Žalba ne odgađa izvršenje rješenja.
- (6) Protiv rješenja donesenog po žalbi ne može se voditi upravni spor.

POGLAVLJE V - PROMET ORUŽJA I MUNICIJE

Član 54.

(Uslovi za promet oružja i municije)

- (1) Prometom oružja, bitnih dijelova oružja i municije kategorija B, C i D mogu se baviti pravna lica, koja nakon upisa u sudski registar, odnosno fizička lica, koja nakon registracije za obavljanje takve djelatnosti, za to dobiju odobrenje nadležnog organa.
- (2) Odobrenje iz stava (1) ovog člana nadležni organ će izdati ako:
 - a) priloži dokaz o vlasništvu ili ugovor o zakupu poslovnog prostora;
 - b) su ispunjeni prostorni i tehnički uvjeti za smještaj i čuvanje kojima se obezbjeđuje da oružje, bitni dijelovi oružja i municija ne dođu u posjed neovlaštenih lica i ne ugroze bezbjednost ljudi i objekata;
 - c) odgovorno lice u pravnom licu, odnosno fizičko lice ispunjava uvjete iz člana 9. stav (2) tačka a), b), d), e) i f) ovog zakona, a lice koje neposredno rukuje oružjem ispunjava uvjete iz člana 9. stav (2) tačka a), b), d), e) i f) i stava (3) tačka b) istoga člana;
- (3) Uvjete iz stava (2) ovog člana utvrđuje komisija koju imenuje ministar unutrašnjih poslova na prijedlog policijskog komesara.
- (4) Komisija iz stav (3) ovog člana uvjet iz stava (2) tačka b) utvrđuje u skladu sa pravilnikom, koji donosi ministar unutrašnjih poslova na prijedlog policijskog komesara.

Član 55.

(Nabavka oružja i municije radi prometa)

- (1) Ovlašteni trgovac oružjem, oružje i municiju može nabavljati na osnovu posebnog odobrenja za nabavku radi dalje prodaje.
- (2) Odobrenje iz stava (1) ovog člana izdaje nadležni organ za svaku ugovorenu količinu oružja i municije i važi šest mjeseci od dana izdavanja.
- (3) Zahtjev za izdavanje odobrenja iz stava (1) ovog člana podnosi se nadležnom organu i sadrži:
 - a) naziv i adresu prodavca i kupca;
 - b) vrstu, količinu i kalibar oružja, dijelova za oružje i municije;
 - c) naziv i adresu dobavljača.
- (4) Odobrenje za nabavku oružja i municije iz stava (1) ovog člana neće se izdati ukoliko postoje okolnosti koje ukazuju na ugrožavanje opće bezbjednosti građana.

Član 56.

(Posredovanje-brokering)

- (1) Posredovanjem-brokeringom u prometu oružja, bitnih dijelova oružja i municije mogu se baviti pravna lica, koja nakon upisa u sudski registar, odnosno fizička lica, koja nakon registracije za obavljanje takve djelatnosti, za to dobiju odobrenje nadležnog organa.
- (2) Odobrenje iz stava (1) ovog člana nadležni organ će izdati ako uz zahtjev:
 - a) lice priloži dokaz o pravu vlasništva ili ugovor o zakupu poslovnog prostora i
 - b) odgovorno lica, kao i lica zaposlena u pravnom licu ili kod fizičkog lica iz stava (1) ovog člana, ispunjavaju uvjete iz člana 9. stav (2) tačke a), b), d), e) i f) i stav (3) tačke a) i b).
- (3) Pravna i fizička lica iz stava (1) ovog člana obavezna su da vode propisanu evidenciju.

- (4) Rješenjem će se odbiti zahtjev ili poništiti rješenje kojim je odobreno posredovanje u prometu oružja i municije ukoliko nisu ispunjeni uvjeti iz stav (2) ovog člana ili ako bi se time ugrozila javna bezbjednost.
- (5) Protiv rješenja iz stava (4) ovog člana može se izjaviti žalba Ministarstvu unutrašnjih poslova Unsko- sanskog kantona u roku od 15 dana od dana prijema rješenja.
- (6) Žalba ne odgađa izvršenje rješenja.
- (7) Protiv rješenja donesenog po žalbi ne može se voditi upravni spor.

POGLAVLJE VI – POPRAVLJANJE, PREPRAVLJANJE I TRAJNO ONESPOSOBLJAVANJE ORUŽJA

Član 57.

(Pravno lice i fizičko lice ovlašteno za popravljanje, prepravljanje i trajno onesposobljavanje oružja)

- (1) Popravljanjem, prepravljanjem i trajnim onesposobljavanjem oružja može se baviti pravno lice, koje nakon upisa u sudski registar, odnosno fizičko lice, koje nakon registracije za obavljanje takve djelatnosti za to dobije odobrenje nadležnog organa (ovlašteni serviser) .
- (2) Odobrenje iz stava (1) ovog člana nadležni organ će izdati ako:
 - a) lice posjeduje akreditaciju o osposobljenosti za obavljanje poslova izdato od strane Instituta za akreditiranje Bosne i Hercegovine i ovlaštenje Ministarstva spoljne trgovine i ekonomskih odnosa Bosne i Hercegovine;
 - b) su ispunjeni prostorni i tehnički uvjeti za smještaj i čuvanje kojima se obezbjeđuje da oružje ne dođe u posjed neovlaštenih lica i ne ugrozi bezbjednost ljudi i objekata, u skladu sa pravilnikom iz člana 54. stav (4) ovog zakona;
 - c) odgovorno lice u pravnom licu, odnosno fizičko lice ispunjava uvjete iz člana 9. stav (2) tačka a), b), d), e) i f) ovog zakona, a lice koje neposredno rukuje oružjem ispunjava uvjete iz člana 9. stav (2) tačka a), b), d), e) i f) i stava (3) tačka b) istoga člana.
- (3) Uvjet iz stava (2) tačka b) ovog člana utvrđuje komisija iz člana 54. stav (3) ovog zakona.

Član 58.

(Oružje koje može biti predmet popravljanja, prepravljanja i trajnog onesposobljavanja)

- (1) Pravno lice i fizičko lice iz člana 57. stav (1) ovog Zakona može primiti radi popravljanja, prepravljanja i trajnog onesposobljavanja samo oružje za koje je izdata odgovarajuća isprava o oružju.
- (2) Oružje je trajno onesposobljeno za upotrebu ako su trajno zatvoreni cijev cijelom svojom dužinom ili ležište metka, a kod oružja kod kojeg se cijev može zamijeniti bez upotrebe alata, cijev se mora trajno zatvoriti i povezati sa kućištem.

Član 59.

(Obaveze ovlaštenog servisera oružja)

- (1) Ovlašteni serviseri oružja će o svakoj izvršenoj popravci, prepravci ili trajnom onesposobljavanju oružja vlasniku izdati potvrdu i u roku od 48 sati u pisanoj formi

obavijestiti nadležni organ.

- (2) Nadležni organ po prijemu potvrde iz stava (1) ovog člana podatke unosi u isprave o oružju i evidencije.

POGLAVLJE VII - CIVILNA STRELIŠTA

Član 60.

(Uslovi za osnivanje civilnih strelišta)

- (1) Civilno strelište mogu osnovati pravna lica, koja nakon upisa u sudski registar, odnosno fizička lica, koja nakon registracije za obavljanje takve djelatnosti, za to dobiju odobrenje nadležnog organa.
- (2) Odobrenje iz stava (1) ovog člana nadležni organ će izdati ako:
- a) su ispunjeni prostorni i tehnički uvjeti za čuvanje, smještaj i upotrebu oružja i municije, kojima se obezbjeđuje da oružje i municija ne dođe u posjed neovlaštenih lica i ne ugrozi bezbjednost ljudi i objekta;
 - b) odgovorno lice u pravnom licu, odnosno fizičko lice ispunjava uvjete iz člana 9. stav (2) tačka a), b), d), e) i f) ovog zakona, a lice koje neposredno rukuje oružjem ispunjava uvjete iz člana 9. stav (2) tačka a), b), d), e) i f) i stava (3) tačka a) i b).
- (3) Odredbe ovog zakona ne primjenjuju se na lovačka strelišta koja pravna lica registrovana za obavljanje djelatnosti lova u okviru lovišta upotrebljavaju za gađanje i isprobavanje lovačkog oružja svojih članova prema propisima o lovstvu;
- (4) Bliže odredbe o prostornim i tehničkim uvjetima za čuvanje, smještaj i upotrebu oružja i municije na civilnim strelištima utvrđuju se pravilnikom koji donosi ministar unutrašnjih poslova na prijedlog policijskog komesara.
- (5) Uvjet iz stava (2) tačka a) ovog člana utvrđuje komisija iz člana 54. stav (3) ovog zakona.

Član 61.

(Upotreba oružja na strelištu)

- (1) Vatreno oružje na civilnom strelištu može koristiti fizičko lice kojem je izdata odgovarajuća isprava o oružju.
- (2) Fizičko lice, koje ne ispunjava uslove iz stava (1) ovog člana, gađanje može izvoditi samo u svrhu obuke pod nadzorom ovlaštenog lica civilnog strelišta ili stručnog lica iz člana 14. stav (3) ovog zakona i isključivo sa oružjem i municijom koje je vlasništvo civilnog strelišta.
- (3) Ovlašteno lice civilnog strelišta zabranjuje izvođenje gađanja i pristup licima iz stava (1) i (2) ovog člana, ako su pod dejstvom alkohola i narkotika ili ako njihovo psihofizičko stanje ukazuje na nesposobnost rukovanja oružjem;

Član 62.

(Nabavka oružja ili municije za potrebe strelišta)

- (1) Pravno i fizičko lice iz člana 60. stav (1) ovog zakona može nabavljati oružje ili municiju radi gađanja na civilnom strelištu, u skladu sa članom 17., 18. i 26. ovog zakona.

- (2) Broj i vrsta oružja u vlasništvu civilnog strelišta, način korištenja oružja na civilnom strelištu i vođenje civilnog strelišta utvrdiće se pravilnikom koji donosi ministar unutrašnjih poslova na prijedlog policijskog komesara.

POGLAVLJE VIII- MEHANIČKI TRAG ORUŽJA

Član 63.

(Uzimanje mehaničkog traga oružja)

- (1) Nadležni organ će u postupku registracije za oružje koje se prvi put registruje uzimati mehanički trag oružja, ukoliko je dostavljen od strane proizvođača oružja radi unosa u propisanu evidenciju.
- (2) Fizičko i pravno lice dužno je na poziv nadležnog organa donijeti oružje radi uzimanja mehaničkog traga oružja i unosa u propisanu evidenciju.
- (3) Fizičko i pravno lice koje već ima registrovano oružje, u slučaju zamjene bitnih dijelova oružja na koje se odnosi mehanički trag oružja, dužno je u roku 8 dana donijeti oružje nadležnom organu radi ponovnog uzimanja mehaničkog traga oružja.
- (4) Za uzimanje mehaničkog traga oružja iz stava (2) i (3) ovog člana ne naplaćuje se naknada.
- (5) Oružje fizičkog i pravnog lica kojem, zbog tehničke neispravnosti, nije bilo moguće uzeti mehanički trag, vlasnik može o svom trošku trajno onesposobiti ili predati na uništenje u skladu sa ovim zakonom.
- (6) Za obavljanje poslova iz stava (2) i (3) ovog člana nadležna je komisiju koju imenuje policijski komesar.
- (7) Način uzimanja mehaničkog traga oružja iz stava (2) i (3) ovog člana i daljnjeg postupanja sa istim urediće se pravilnikom, koji donosi ministar unutrašnjih poslova na prijedlog policijskog komesara.

POGLAVLJE IX- NADZOR

Član 64.

(Nadzor)

Nadzor nad primjenom ovog zakona provodi Ministarstvo unutrašnjih poslova Unsko-sanskog kantona.

Član 65.

(Ovlaštenja lica koje vrši neposredni nadzor)

- (1) U obavljanju nadzora iz člana 64. ovog zakona, nadležni organ je ovlašten da:
 - a) pregleda i kontroliše skladište oružja i municije, civilno strelište i druge prostorije gdje se obavlja promet, popravlja, prepravlja, trajno onesposobljava i čuva oružje i municija, da vrši pregled propisanih evidencija i ostale dokumentacije u vezi s

- prometom, popravljajem, prepravljajem i onesposobljavanjem oružja i vođenje civilnog strelišta;
- b) privremeno zabrani obavljanje djelatnosti prometa, popravljanja prepravljanja i trajnog onesposobljavanja oružja, upotrebu civilnog strelišta i naredi da se utvrđene nepravilnosti otklone u određenom roku;
 - c) zabrani dalje obavljanje prometa, popravljanja, prepravljanja i onesposobljavanja oružja, odnosno upotrebu civilnog strelišta ako utvrdi da je u obavljanju tih djelatnosti učinjen teži propusti u preduzimanju zaštitnih ili drugih sigurnosnih mjera ili druge teže kažnjive radnje, ukoliko je prestao jedan od uslova pod kojima je odobrenje izdato ili ako se ne postupi po nalogu nadležnog organa;
 - d) naredi preduzimanje i drugih propisanih mjera.
- (2) Pravno i fizičko lice registrirano za obavljanje djelatnosti dužno je omogućiti obavljanje nadzora i dati na uvid traženu dokumentaciju, kao i pružiti potrebne podatke i obavijesti.

POGLAVLJE X- EVIDENCIJE

Član 66.

(Evidencije nadležnog organa)

- (1) Nadležni organ vodi evidencije o :
- a) izdatim odobrenjima za nabavku oružja;
 - b) izdatim odobrenjima za nabavku municije;
 - c) odbijenim zahtjevima za nabavku oružja;
 - d) odbijenim zahtjevima za nabavku municije;
 - e) izdatim oružnim listovima;
 - f) izdatim dozvolama za nošenje oružja;
 - g) izdatim odobrenjima za držanje oružja;
 - h) izdatim odobrenjima za sakupljanje i držanje starog oružja i odobrenjima za držanje trofejnog oružja;
 - i) izdatim potvrdama za prijavljeno oružje;
 - j) oduzetom, nađenom i predatom oružju i municiji;
 - k) nestalom oružju;
 - l) mehaničkom tragu oružja;
 - lj) optičkim nišanima.
- (2) Obrasci, sadržaj i način vođenja evidencija iz stava (1) ovog člana utvrđuje se pravilnikom, koji donosi ministar unutrašnjih poslova na prijedlog policijskog komesara.

Član 67.

(Evidencije pravnih i fizičkih lica)

- (1) Sportska streljačka organizacija i pravno lice registrovano za obavljanje djelatnosti lova, i drugo pravno lice koje je oružje i municiju nabavilo i registrovalo radi obavljanja svoje djelatnosti, dužno je voditi evidencije o:
- a) nabavljenom oružju i municiji;
 - b) izdatim potvrdama za nošenje oružja i municije.

- (2) Ovlašteni trgovac oružjem dužan je voditi evidencije o :
 - a) nabavljenom oružju i municiji;
 - b) prodatom oružju;
 - c) prodatoj municiji.
- (3) Pravno lice koje se bavi popravkom, prepravkom i onesposobljavanjem oružja ili fizičko lice registrirano za obavljanje djelatnosti popravke, prepravke i onesposobljavanja oružja dužno je voditi evidenciju o popravljenom, prepravljenom i onesposobljenom oružju.
- (4) Pravno lice koje se bavi vođenjem civilnog strelišta ili fizičko lice registrirano za obavljanje djelatnosti vođenja civilnog strelišta dužno je voditi evidencije o:
 - a) nabavljenom oružju i municiji;
 - b) oružju i municiji ustupljenoj na korištenje i utrošenoj municiji.
- (5) Pravno i fizičko lice kojem je izdato odobrenje za sakupljanje i držanje starog oružja ili držanje trofejnog oružja dužno je voditi evidenciju o sakupljenom starom ili trofejnom oružju.
- (6) Evidencije iz stava (1), (2), (3), (4) i (5) ovog člana čuvaju se trajno.
- (7) Obrascima, sadržaju i načinu vođenja evidencija iz stava (6) ovog člana utvrđuje se pravilnikom, koji donosi ministar unutrašnjih poslova na prijedlog policijskog komesara.

POGLAVLJE XI- KAZNE NE ODREDBE

ODJELJAK A. KRIVIČNO DJELO

Član 68.

(Neovlaštena nabavka, držanje i nošenje ili prodaja oružja ili bitnih dijelova za oružje)

- (1) Novčanom kaznom ili kaznom zatvora do tri godine kaznit će se za krivično djelo:
 - a) ko bez važeće isprave o oružju nabavi, drži ili nosi oružje ili bitne dijelove za oružje kategorije B,
 - b) ko proda ili posreduje u prometu oružja ili bitnih dijelova za oružje kategorije B fizičkom ili pravnom licu koje nema odobrenje za nabavljanje tog oružja,
 - c) ako ovlašteni trgovac oružjem nabavi oružje i municiju kategorije B bez posebnog odobrenja nadležnog organa za nabavku radi dalje prodaje.
- (2) za krivična djela iz stava (1) ovog člana obavezno se izriče i zaštitna mjera oduzimanja oružja i municije i isprava o oružju.

ODJELJAK B - PREKRŠAJI

Član 69.

(Novčana kazna od 1000,00 do 1.500,00 KM i zaštitna mjera za prekršaje fizičkih lica)

- (1) Novčanom kaznom od 1000,00 KM do 1.500,00 KM kaznit će se fizičko lice za prekršaj, ako:

- a) nabavi i drži hladno oružje kojem je osnovna namjena napad ili nanošenje ozljeda ili takvo hladno oružje nosi na javnom mjestu ili nabavi, drži ili nosi podvodne puške i druge predmete koji snagom opruge, napete gume ili sabijenog plina izbacuju osti ili harpun i koji su isključivo namijenjeni ribolovu (član 7. stav (1));
- b) drži ili nosi oružje kategorije C bez odgovarajuće prijave o oružju (član 7. stav (3));
- c) nabavi, drži ili nosi oružje kategorije C i D, a mlađe je od 18 godina (član 7. stav (4));
- d) nabavi municiju bez odobrenja za nabavku municije (član 26. stav (1));
- e) osposobi oružje koje je onesposobljeno za upotrebu (član 27. stav (5));
- f) drži staro oružje bez odobrenja za sakupljanje i držanje starog oružja (član 28. stav (1))
- g) nosi i upotrebljava staro oružje ili nabavlja, drži ili pravi municiju za to oružje (član 28. stav (5));
- h) osposobljava staro oružje (član 28. stav (7));
- i) drži trofejno oružje bez odobrenja za držanje trofejnog oružja (član 29. stav (1));
- j) nosi i upotrebljava trofejno oružje i nabavlja, drži ili pravi municiju za to oružje (član 29. stav (5));
- k) osposobljava trofejno oružje (član 29. stav 7.);
- l) proda oružje kategorije C fizičkom licu mlađem od 18 godina (član 30. stav (7));
- m) nosi oružje za ličnu bezbjednost bez dozvole za nošenje oružja (član 33. stav (1));
- n) nosi oružje na javnim, vjerskim i sportskim okupljanjima, u školama, zdravstvenim i javnim ustanovama, ugostiteljskim objektima i prostorima koji se koriste za pružanje ugostiteljskih usluga, kao i na drugim mjestima ili objektima gdje je znakom javno istaknuta zabrana nošenja oružja (član 33. stav (5));
- o) nosi oružje pod uticajem alkohola, opojnih droga i drugih omamljujućih sredstava (član 33. stav (6));
- p) nosi oružje na javnom mjestu na način kojim može izazvati osjećanje fizičke ugroženosti, uznemirenosti i negodovanja građana (član 33. stav (7));
- q) ne čuva oružje i municiju na način da nije dostupno drugom licu, posebno djeci zaključano i odvojeno u metalnom ormaru, sefu ili sličnom spremištu koje se ne može otvoriti alatom uobičajne upotrebe, u skladu sa pravilnikom iz člana 9. stav (6) ovog zakona (član 34. stav (1));
- r) ne čuva oružje i municiju u stambenom ili drugom odgovarajućem prostoru koji se nalazi u mjestu prebivališta vlasnika oružja i municije, u skladu sa pravilnikom iz člana 9. stav (6) ovog zakona (član 34. stav (2));
- s) na poziv nadležnog organa ne donese oružje na pregled i onemogućiti nadležnom policijskom službeniku da izvrši provjeru načina i uslova za siguran smještaj i čuvanje oružja i municije (član 34. stav (3));
- t) upotrebljava oružje na javnim mjestima i drugim mjestima čime može ugroziti bezbjednost ljudi (član 37. stav (2));
- u) upotrebljava lovačko ili sportsko oružje izvan lovišta, odnosno strelišta (član 37. stav (3));
- v) izda oružje djeci na upotrebu (član 37. stav (5))
- z) vazdušno oružje i luk da na upotrebu djeci mlađoj od 12 godina na sportskim strelištima i drugim mjestima određenim i uređenim za vježbe gađanja bez nadzora trenera (član 37. stav (6));
- aa) električni paralizator i raspršivač upotrebi u svrhu napada na drugo lice i na način da se time ugrožava sigurnost drugih lica (član 37. stav (7)).
- bb) nosi oružje i municiju kada ne obavlja poslove zaštite, van objekta ili područja koje obezbjeđuje ili čuva (član 38. stav (2));
- cc) pištolj i revolver da na poslu drugom licu (član 39. stav (1));

- dd) da na posluhu lovačko ili sportsko oružje drugom fizičkom licu koje nema oružni list za tu vrstu oružja (član 39. stav (2));
 - ff) popravlja ili prepravlja ili trajno onesposobljava oružje bez odobrenja nadležnog organa (član 60. stav (1));
 - gg) na poziv nadležnog organa ne donese oružje radi uzimanja mehaničkog traga i evidentiranja (član 63. stav (2));
 - hh) u slučaju zamjene bitnih dijelova oružja na koje se odnosi mehanički trag oružja ne donese oružje nadležnom organu radi uzimanja mehaničkog traga i evidentiranja u propisanom roku (član 63. stav (3));
 - ii) zbog tehničke neispravnosti nije moguće uzeti mehanički trag oružja trajno ne onesposobi ili ne preda na uništenje oružje (član 63. stav (5));
 - jj) ne omogući obavljanje nadzora ili ne da na uvid traženu dokumentaciju ili ne pruži potrebne podatke i obavijesti (član 65. stav (2));
 - kk) ne podnese zahtjev za zamjenu isprava o oružju do isteka roka naznačenog u ispravi (član 78. stav (1));
- (2) Za prekršaj iz stava (1) ovog člana obavezno se izriče i zaštitna mjera oduzimanja oružja i bitnih dijelova oružja i municije.
- (3) U izvršenju zaštitne mjere iz stava (2) ovog člana oduzima se i isprava o oružju.

Član 70.

(Novčana kazna od 500,00 KM do 1000,00 KM i zaštitna mjera za prekršaje fizičkih lica)

- (1) Novčanom kaznom od 500,00 KM do 1000,00 KM kaznit će se fizičko lice za prekršaj, ako:
- a) ne dopusti policijskom službeniku nadležnog organa da utvrdi postojanje uslova za siguran smještaj i čuvanje oružja (član 10. stav (6));
 - b) u propisanom roku ne podnese zahtjev za registraciju oružja i izdavanje oružnog lista (član 21. stav (1));
 - c) u propisanom roku ne izvrši produženje isprave o oružju (člana 25. stav (5));
 - d) ne preda oružje nadležnom organu po isteku roka za produženje važnosti isprave o oružju (član 25. stav (8));
 - e) ne prijavi trajno onesposobljeno oružje nadležnom organu u propisanom roku (član 27. stav (4));
 - f) ne prijavi nadležnom organu nabavku oružja kategorije C u propisanom roku (član 30. stav (2));
 - g) ne prijavi nabavku, otuđenje, nestanak i gubljenje optičkog nišana u propisanom roku (član 30. stav (5));
 - h) sa oružjem i municijom ne postupa s naročitom pažnjom (član 32.),
 - i) nosi oružje na način kojim se ugrožava lična sigurnost ili sigurnost drugih lica (član 33. stav (2)),
 - j) prenosi oružje radi popravljavanja, prepravljavanja, onesposobljavanja ili upotrebe na strelištu nerasklopljeno, odvojeno od municije ili van odgovarajućih navlaka ili kovčega (član 33. stav (3));
 - k) van lovišta, odnosno strelišta drži, odnosno nosi oružje bez futrole ili kovčega ili koje je napunjeno (član 33. stav (4));
 - l) ne održava oružje u ispravnom stanju i ne rukuje sa njim pravilno i s posebnom pažnjom (član 37. stav (1));

- m) vazdušno oružje i luk upotrebljava na mjestima koja mogu ugroziti sigurnost građana (član 37. stav (4));
- n) ne pristupi vanrednom ljekarskom pregledu (član 49. stav (2));
- o) koristi vatreno oružje na civilnom strelištu bez odgovarajuće isprave o oružju (član 61. stav (1));
- p) ne vodi propisane evidencije (član 67. stav (5));

2) Za prekršaje iz stava (1) tačka: a), c), d), i), m), n), ovog člana obavezno se izriče i zaštitna mjera oduzimanja oružja, bitnih dijelova oružja i municije i isprava o oružju.

Član 71.

(Novčana kazna od 200,00 KM do 500,00 KM i zaštitna mjera za prekršaje fizičkih lica)

(1) Novčanom kaznom od 200,00 KM do 500,00 KM kaznit će se fizičko lice za prekršaj, ako:

- a) u propisanom roku ne vrati odobrenje za nabavku oružja (član 20. stav (2));
- b) u propisanom roku ne vrati odobrenje za nabavku municije koje nije iskorišteno (član 26. stav (5));
- c) ne izvrši odjavu oružja kod nadležnog organa u roku od osam dana od dana prodaje (član 28. stav (6)).
- d) ne izvrši odjavu oružja kod nadležnog organa u roku od osam dana od dana prodaje (član 29. stav (6));
- e) u propisanom roku ne obavijesti nadležni organ o prenosu vlasništva nad oružjem i ne preda isprave o oružju (član 31. stav (4));
- f) u propisanom roku ne obavijesti nadležni organ o izvršenoj zamjeni oružja i ne podnese zahtjev za registraciju (član 31. stav (6));
- g) ne preda nadležnom organu oružje za koje ne postoji mogućnost popravke i prepravke (član 35. stav (1));
- h) onesposobi oružje, a ne podnese zahtjev za izdavanje odobrenja za držanje trofejnog oružja (član 35. stav (2));
- i) napušta mjesto prebivališta duže od tri mjeseci, a ne preda na čuvanje oružje i municiju fizičkom licu koje posjeduje ispravu o oružju za takvo oružje (član 36. stav (1));
- j) u propisanom roku ne obavijesti nadležni organ o predaji oružja na čuvanje (član 36. stav (2));
- k) član streljačke ili lovačke organizacije ili fizičko lice koje obavlja poslove zaštite ili čuvar šuma, lovišta i ribolovišta koji nosi oružje bez potvrde za nošenje oružja do strelišta ili lovišta, odnosno mjesta gdje se vrši vježba gađanja ili takmičenje u gađanju, odnosno za vrijeme obavljanja poslova zaštite ili čuvanja šuma, lovišta i ribolovišta (član 38. stav (2));
- l) iznese oružje i municiju van lovišta (član 41. stav (4));
- m) u propisanom roku ne prijavi nestanak ili krađu oružja, municije ili isprava o oružju nadležnom organu (član 43. stav (1));
- n) u propisanom roku ne preda ispravu o oružju nadležnom organu (član 43. stav (3));
- o) ne obavijesti nadležni organ o pronalasku oružja, municije ili isprava o oružju (član 44. stav (1));
- p) u propisanom roku ne prijavi promjenu prebivališta (član 45.);

- q) u slučaju smrti vlasnika oružja i municije ne preda oružje, municiju i odgovarajuću ispravu nadležnom organu (član 46. stav (1));
 - r) u propisnom roku ne proda ili pokloni oružje i municiju, ne podnese zahtjev za registraciju, ne podnese zahtjev za izdavanje odobrenja za držanje trofejnog oružja ili ne preda oružje nadležnom organu bez prava na naknadu (član 46. stav (3));
 - s) kada napuni 21.godinu života nasljeđeno oružja ne proda ili pokloni, ne podnese zahtjev za registraciju, ne podnese zahtjev za izdavanje odobrenja za držanje trofejnog oružja ili ne preda oružje nadležnom organu bez prava na naknadu (član 46. stav (5));
 - t) u propisanom roku ne odjavi oružje koje je prodao (član 46. stav (6));
 - t) u propisanom roku ne prijavi nadležnom organu posjedovanje oružja kategorije C (član 79.).
- (2) Za prekršaj iz stava (1) tačke: f), i), j) i o) ovog člana izriče se i zaštitna mjera oduzimanja oružja i municije i isprava o oružju i municiji.

Član 72.

(Novčana kazna od 3.000,00 KM do 5.000,00 KM i zaštitna mjera za prekršaje pravnih lica i fizičkih lica registriranih za obavljanje djelatnosti)

- (1) Novčanom kaznom od 3.000,00 KM do 5.000,00 KM kaznit će pravno lice i fizičko lice registrirano za obavljanje djelatnosti, ako :
- a) nabavi, drži i stavi u promet hladno oružje kojem je osnovna namjena napad ili nanošenje ozljeda ili takvo hladno oružje nosi na javnom mjestu ili nabavi, drži, nosi i stavi u promet podvodne puške i druge predmete koji snagom opruge, napete gume ili sabijenog plina izbacuju osti ili harpun i koji su isključivo namijenjeni ribolovu (član 7. stav (1));
 - b) drži ili nosi oružje kategorije C bez odgovarajuće isprave (član 7. stav (3));
 - c) u propisanom roku ne podnese zahtjev za izdavanje odobrenja za držanje oružja (član 21. stav (2));
 - d) nabavi municiju bez odobrenja za nabavku municije (član 26. stav (1));
 - e) osposobi oružje koje je onesposobljeno za upotrebu (član 27. stav (5));
 - f) drži staro oružje bez odobrenja za sakupljanje i držanje starog oružja (član 28.stav (1))
 - g) nosi i upotrebljava staro oružje ili nabavlja, drži ili pravi municiju za to oružje (član 28. stav (5));
 - h) osposobljava staro oružje (član 28.stav (7));
 - i) drži trofejno oružje bez odobrenja za držanje trofejnog oružja (član 29.stav (1));
 - j) nosi i upotrebljava trofejno oružje i nabavlja, drži ili pravi municiju za to oružje (član 29. stav (5));
 - k) osposobljava trofejno oružje (član 29.stav (7));
 - l) prodaju oružja kategorije C ili prodaju optičkog nišana ne prijavi nadležnom organu u propisanom roku (član 30. stav (6));
 - m) proda oružje kategorije C fizičkom licu mlađem od 18 godina (član 30. stav (7));
 - n) ne obavijesti nadležni organ o prodaji oružja i municije u propisanom roku (član 31. stav (2));
 - o) ne čuva oružje i municiju na način da nije dostupno drugom licu, posebno djeci zaključano i odvojeno u metalnom ormaru, sefu ili sličnom spremištu koje se ne može otvoriti alatom uobičajne upotrebe, u skladu sa pravilnikom iz člana 16. stav (3) ovog zakona (član 34. stav (1));

- p) ne čuva oružje i municiju u odgovarajućem prostoru koji se nalazi u mjestu sjedišta vlasnika oružja i municije, u skladu sa pravilnikom iz člana 16. stav (3) ovog zakona (član 34. stav (2));
- q) na poziv nadležnog organa ne donese oružje na pregled ili onemogućí nadležnoj komisiji da izvrši provjeru načina i uslova za siguran smještaj i čuvanje oružja i municije (član 34. stav (3));
- r) izda djeci oružje na upotrebu (član 37. stav (5));
- s) izda vazdušno oružje ili luk na upotrebu djeci mlađoj od 12 godina na sportskom strelíštu ili na drugim mjestima bez nadzora trenera (član 37. stav (6));
- t) povjeri nošenje oružja i municije fizičkom licu koji nije član lovačke ili streljačke organizacije, odnosno koji ne obavlja poslove zaštite, odnosno čuvanja šuma, lovišta ili ribolovišta i ne ispunjava uslove iz člana 9. stav (2) i (3) ovog zakona (član 38. stav (1));
- u) ne izda potvrdu fizičkom licu kome povjerava oružje i o izdanoj potvrdi ne obavijesti nadležni organ (član 38. stav (4));
- v) pištolj i revolver da na poslugu drugom licu (član 39. stav (1));
- z) sportsko oružje da na poslugu licu koje nije član streljačke organizacije za vrijeme vježbi gađanja ili takmičenja na strelíštu ili drugom terenu određenom za vježbe gađanja, odnosno takmičenja u gađanju (član 40. stav (1));
- aa) ne izda potvrdu za nošenje oružja i municije (član 40. stav (2));
- bb) da na poslugu lovačko oružje i municiju članovima domaćih ili inostranih lovačkih organizacija na period duži od 8 dana (član 41. stav (1));
- cc) ne obavijesti nadležni organ u propisanom roku o izdavanju lovačkog oružja i municije na poslugu članovima domaćih ili inostranih lovačkih organizacija (član 41. stav (2));
- dd) za oružje i municiju, koje je dato na poslugu, ne izda potvrdu za nošenje oružja i municije (član 41. stav (3));
- ee) ne obavijesti u propisanom roku nadležni organ o prestanku potrebe za daljim držanjem oružja i municije, ne vrati odobrenje za držanje oružja i ne preda oružje na čuvanje (član 42. stav (1));
- ff) se bavi prometom oružja i municije B, C i D kategorije bez odobrenja nadležnog organa (član 54. stav (1));
- gg) se bavi posredovanjem u prometu oružja, bitnih dijelova oružja i municije bez odobrenja nadležnog organa (član 56. stav (1));
- hh) se bavi popravljanjem, prepravljanjem i trajnim onesposobljavanjem oružja bez odobrenja nadležnog organa (član 57. stav (1));
- ii) radi popravljanja, prepravljanja i trajnog onesposobljavanja primi oružje za koje nije izdata odgovarajuća isprava (član 58. stav (1));
- jj) o izvršenoj popravci, prepravci ili trajnom onesposobljavanju oružja vlasniku ne izda potvrdu ili u propisanom roku ne obavijesti nadležni organ (član 59. stav (1));
- kk) bez odobrenja nadležnog organa pusti u rad civilno strelíšte (član 60. stav (1));
- ll) na civilnom strelíštu da vatreno oružje na korištenje fizičkom licu koje nema odgovarajuću ispravu o oružju (član 61. stav (1));
- mm) dozvoli licu koje nema odgovarajuću ispravu o oružju da koristi civilno strelíšte bez nadzora ovlaštenog lica strelíšta ili stručnog lica iz člana 14. stav (3) ovog zakona ili sa oružjem i municijom koje nije vlasništvo civilnog strelíšta (član 61. stav (2));
- nn) dozvoli licu pod dejstvom alkohola ili narkotika ili u psihofizičkom stanju koje ukazuje na nesposobnost rukovanja oružjem pristup civilnom strelíštu ili omogućí mu

- izvođenje gađanja (član 61. stav (3));
- oo) nabavi municiju radi gađanja na civilnom strelištu suprotno članu 17., 18. i 26. ovog zakona (član 62. stav (1));
- pp) na poziv nadležnog organa ne donese oružje radi uzimanja mehaničkog traga i njegovog evidentiranja (član 63. stav (2));
- qq) u slučaju zamjene bitnih dijelova oružja na koje se odnosi mehanički trag oružja ne donese oružje nadležnom organu radi uzimanja mehaničkog traga i evidentiranja u propisanom roku (član 63. stav (3));
- rr) zbog tehničke neispravnosti nije moguće uzeti mehanički trag oružja trajno ne onesposobi ili ne preda na uništenje oružje (član 63. stav (5));
- ss) ne omogući obavljanje nadzora ili ne da na uvid traženu dokumentaciju ili ne pruži potrebne podatke i obavijesti (član 65. stav (2));
- tt) ne podnese zahtjev za zamjenu isprava o oružju do isteka roka naznačenog u ispravi (član 78. stav (1));
- uu) ne uskladi svoje poslovanje sa odredbama ovog zakona u propisanom roku (član 80. stav (1)).
- (2) Za prekršaj iz stava (1) tačke: a), d), e), f), g), h), i), j), k), m), o), p), q), r), s), t), v), z), ff), gg), hh), ii), kk), ll), mm), nn), oo), pp), qq), rr), ss), tt) i uu) ovog člana, izriče se i zaštitna mjera oduzimanja oružja i municije.
- (3) Za prekršaje iz stava (1) ovog člana kaznit će se novčanom kaznom od 1.000,00 KM do 2.000,00 KM odgovorno lice u pravnom licu.
- (4) Za prekršaje iz stava (1) tačke: a), d), e), g), h), i), j), k), m), q), r), s), t), v), ff), gg), hh), ii), kk), ll), mm) i oo) ovog člana, uz novčanu kaznu može se izreći i zaštitna mjera zabrane obavljanja djelatnosti u trajanju od šest mjeseci.

Član 73.

(Novčana kazna od 1.000,00 KM do 3.000,00 KM za prekršaje pravnih lica i fizičkih lica registriranih za obavljanje djelatnosti)

- (1) Novčanom kaznom od 1.000,00 KM do 3.000,00 KM kaznit će se pravno lice i fizičko lice registrirano za obavljanje djelatnosti, ako:
- a) u propisanom roku ne vrati odobrenje za nabavku oružja (član 20. stav (2));
 - b) u propisanom roku ne izvrši produženje isprave o oružju (člana 25. stav (5));
 - c) ne preda oružje nadležnom organu po isteku roka za produženje važnosti isprave o oružju (član 25. stav (8));
 - d) u propisanom roku ne vrati odobrenje za nabavku municije koje nije iskorišteno (član 26. stav (5));
 - e) ne prijavi trajno onesposobljeno oružje nadležnom organu u propisanom roku (član 27. stav (4));
 - f) ne izvrši odjavu oružja kod nadležnog organa u roku od osam dana od dana prodaje (član 28. stav (6));
 - g) ne izvrši odjavu oružja kod nadležnog organa u roku od osam dana od dana prodaje (član 29. stav (6));
 - h) ne prijavi nadležnom organu nabavku oružja kategorije C u propisanom roku (član 30. stav (2));

- i) ne prijavi nabavku, otuđenje, nestanak ili gubljenje optičkog nišana u propisanom roku (član 30. stav (5));
 - j) u propisanom roku ne obavijesti nadležni organ o prenosu vlasništva nad oružjem i ne preda isprave o oružju (član 31. stav (4));
 - k) u propisanom roku ne obavijesti nadležni organ o izvršenoj zamjeni oružja i ne podnese zahtjev za registraciju (član 31. stav (6));
 - l) sa oružjem i municijom ne postupa s naročitom pažnjom (član 32.);
 - m) ne preda nadležnom organu oružje za koje ne postoji mogućnost popravke i prepravke (član 35. stav (1));
 - n) onesposobi oružje, a ne podnese zahtjev za izdavanje odobrenja za držanje trofejnog oružja (član 35. stav (2));
 - o) u propisanom roku ne prijavi nestanak ili krađu oružja, municije ili isprava o oružju (član 43. stav (1));
 - p) u propisanom roku ne preda ispravu o oružju nadležnom organu (član 43. stav (3));
 - q) u propisanom roku ne prijavi promjenu sjedišta (član 45.);
 - s) ne vodi propisane evidencije (član 67.);
 - t) ne zamjeni u propisanom roku ispravu o oružju (član 78. stav (1));
- (2) Za prekršaj iz stava (1) tačke: b), c), d), k), q) i t) ovog člana izriče se i zaštitna mjera oduzimanja oružja i municije i isprave o oružju.
- (3) Za prekršaje iz stava (1) ovog člana kaznit će se novčanom kaznom od 500,00 KM do 1.500,00 KM odgovorno lice u pravnom licu.

Član 74.

(Oduzimanje oružja u slučaju vođenja krivičnog ili prekršajnog postupka)

- (1) Za prekršaje iz člana 69., 70., 71., 72. i 73. ovog zakona, nadležni organ može oduzeti oružje i municiju i u slučaju da se postupak okonča presudom, odnosno rješenjem kojim se okrivljeni ne proglašava krivim ako to zahtijevaju interesi javne ili opće bezbjednosti.
- (2) Nadležni sud kod kojeg je postupak okončan, donosi posebno rješenje o oduzimanju oružja i municije iz stava (1) ovoga člana.

DIO TREĆI- PRELAZNE I ZAVRŠNE ODREDBE

Član 75.

(Dobrovoljna predaja oružja i municije)

- (1) Fizičko i pravno lice, koje dođe u posjed oružja i municije iz člana 7. ovog zakona, čije je nabavljanje, držanje ili nošenje zabranjeno, može takvo oružje dobrovoljno predati nadležnom organu.
- (2) O vrsti i količini predatog oružja i municije iz stava (1) ovog člana, nadležni organ izdaje odgovarajuću potvrdu.
- (3) Nadležni organ je dužan voditi posebnu evidenciju primljenog oružja i municije.
- (4) Pod dobrovoljnom predajom oružja i municije podrazumijeva se njegova fizička predaja kojom je jasno izražena namjera predaje nadležnom organu radi uništenja.

- (5) Ako protiv lica iz stava (1) ovog člana, prije dobrovoljne predaje oružja i municije nije zaprimljena prijava zbog nedozvoljenog držanja oružja i municije, postupak se neće pokrenuti.

Član 76.
(*Legalizacija oružja*)

- (1) Lice koje posjeduje oružje bez isprave o oružju, a koje prema ranije važećim propisima nije registrovano, dužno je da najkasnije do 31.12.2018.godine preda oružje nadležnom organu i podnese zahtjev za izdavanje isprave o oružju.
- (2) Do okončanja postupka po podnesenom zahtjevu iz stava (1) ovog člana oružje se čuva kod nadležnog organa.
- (3) Prilikom podnošenja zahtjeva iz stava (1) ovog člana lice nije dužno da dokazuje porjeklo oružja.
- (4) Isprava o oružju neće se izdati licu koje ne ispunjava uvjete iz člana 9. stav (2) i (3) ovog Zakona, kao i kada se oružje potražuje od nadležnih organa i u slučaju da je oružje već registrovano.
- (5) Ako nakon sprovedenog postupka licu ne bude izdata isprava o oružju oružje se uništava.

Član 77.
(Podzakonski akti)

- (1) Nadležni organ je dužan u roku od šest mjeseci od dana stupanja na snagu ovog zakona donijeti:
 - a) Pravilnik o izgledu obrazaca zahtjeva vezanih za izdavanje isprava o oružju i izgledu i sadržaju obrazaca isprava o oružju (član 8. stav (2));
 - b) Pravilnik o ispunjavanju uvjeta za siguran smještaj i čuvanje oružja (član 9. stav (7));
 - c) Pravilnik o uvjetima koje moraju ispunjavati zdravstvene ustanove koje će obavljati zdravstvene preglede kojima se utvrđuje zdravstvena sposobnost za držanje i nošenje oružja (član 12. stav (5));
 - d) Pravilnik o programu obuke i načinu osposobljavanja za pravilno rukovanje, držanje i nošenje oružja (član 14. stav (5));
 - e) Pravilnik o prostornim i tehničkim uvjetima smještaja i čuvanja oružja i municije (član 16. stav (3));
 - f) Pravilnik o postupanju sa oružjem i municijom oduzetim u upravnom postupku (član 47. stav (4));
 - g) Pravilnik o prostornim i tehničkim uvjetima za smještaj i čuvanje oružja, bitnih dijelova oružja i municije (član 54. stav (4));
 - h) Pravilnik o prostornim i tehničkim uvjetima za čuvanje, smještaj i upotrebu oružja i municije na civilnim streljima (član 60. stav (4));
 - i) Pravilnik o broju i vrsti oružja u vlasništvu civilnog streljista, načinu korištenja oružja na civilnom streljstu i vođenju civilnog streljista (član 62. stav (2));
 - j) Pravilnik o načinu uzimanja mehaničkog traga (član 63. stav (7));
 - k) Pravilnik o obrascima, sadržaju i načinu vođenja evidencija o oružju i municiji nadležnog organa (član 66. stav (2));
 - l) Pravilnik o obrascima, sadržaju i načinu vođenja evidencija o oružju i municiji pravnih i fizičkih lica (član 67. stav (7));

Član 78.

(Zamjena isprava o oružju)

- (1) Isprave o oružju izdate prema propisima koji su važili u vrijeme izdavanja važe do isteka roka naznačenog u ispravi.
- (2) Na zahtjev vlasnika oružja nadležni organ će zamijeniti isprave o oružju i to:
 - a) oružni list za držanje oružja sa oružnim listom;
 - b) oružni list za držanje i nošenje oružja sa dozvolom za nošenje oružja;
 - c) odobrenje za sakupljanje oružja sa odobrenjem za sakupljanje i držanje starog oružja;
 - d) oružni list za držanje trofejnog oružja sa odobrenjem za držanje trofejnog oružja;
 - e) odobrenje za držanje oružja sa odobrenjem za držanje oružja;
 - f) dozvola za nošenje i prenošenje oružja sa potvrdom za nošenje oružja i municije;
 - g) dozvola za prenošenje streljačkog oružja sa potvrdom za nošenje oružja i municije.
- (3) Postupak zamjene isprava o oružju provodi se u skladu sa članom 25. ovog zakona.

Član 79.

(Obaveza prijave oružja)

Fizičko lice, koje posjeduje oružje kategorije C, dužno je takvo oružje prijaviti nadležnom organu u roku 90 dana od dana stupanja na snagu ovog zakona.

Član 80.

(Usklađivanje obavljanja djelatnosti)

- (1) Pravno lice i fizičko lice registrovano za obavljanje djelatnosti, koje obavlja djelatnost prometa oružja i municije, popravljanja, prepravljanja i onesposobljavanja oružja ili vođenje civilnih strelišta, dužno je svoje poslovanje uskladiti sa odredbama ovog zakona u roku od šest mjeseci od dana stupanja na snagu ovog zakona.
- (2) Pravnom licu i fizičkom lice registrovanom za obavljanje djelatnosti, koji u roku iz stava (1) ovog člana, ne podnese zahtjev nadležnom organu u cilju usklađivanja poslovanja sa odredbama ovog zakona, nadležni organ će rješenjem zabraniti dalje obavljanje djelatnosti.

Član 81.

(Ograničenja u primjeni odredaba člana 9. stav (3) tačka b) i 18. stav (1) ovog zakona)

- (1) Odredbe člana 18. ovog zakona ne odnose se na lica koja imaju registrovano oružje prije stupanja na snagu ovog zakona.
- (2) Odredba člana 9. stav (3) tačka b) ne odnosi se na lica koja imaju registrovano oružje prije stupanja na snagu ovog zakona.

Član 82.

(Zaštita ličnih podataka)

Svi subjekti koji na bilo koji način primjenjuju odredbe ovog zakona dužni su da prikupljaju, pohranjuju i obrađuju lične podatke u skladu sa propisima kojima se uređuje zaštita ličnih podataka.

Član 83.

(Rješavanje zahtjeva prije stupanja na snagu ovog zakona)

Svi postupci koji do dana stupanja na snagu ovog zakona nisu okončani završice se po odredbama ovog zakona.

Član 84.

(Prestanak važenja)

- (1) Danom stupanja na snagu ovog zakona prestaje primjena Zakona o oružju i municiji („Službeni glasnik Unsko- sanskog kantona“, broj:11/07 i 11/08)“.
- (2) Podzakonski akti doneseni na osnovu Zakona o oružju i municiji („Službeni glasnik Unsko- sanskog kantona“, broj:11/07 i 11/08)“ ostaju na snazi do donošenja podzakonskih akata propisanih ovim zakonom.

Član 85.

(Stupanje na snagu)

Ovaj zakon stupa na snagu osmog dana od dana objavljivanja u “Službenom glasniku Unsko-sanskog kantona.